



大日本史記  
本紀

六





僧  
775  
6

大日本史卷十六



本紀第十六  
權中納言從三位源光圀修  
男權中納言從三位綱條校

聖武天皇

勝寶感神聖武皇帝諱美麻斯紹運錄云諱首今文  
武帝子也母夫人藤原氏大寶元年生和銅七年六  
月元明帝立天皇為皇太子加元服時年十四及元  
明帝將去位以天皇尚幼傳位元正帝養老八年二  
月四日甲午皇太子受禪即天皇位於大極殿尊元



正帝曰太上天皇尊以下水鏡詔以獲瑞龜改養老

八年為神龜元年大赦天下益一品舍人親王封五

百戶授二品新田部親王一品以右大臣長屋王為

左大臣舍人親王知太政官事如故

神龜元年甲子春三月庚申朔行幸芳野宮五日甲

子還宮二十二日辛巳尊夫人藤原氏曰皇太夫人

二十五日甲申陸奧言海道蝦夷反殺大掾佐伯兒

屋麻呂夏四月庚寅朔令七道諸國造軍器幕釜等

三日壬辰以佐伯兒屋麻呂死事贈從五位下賜賻

七日丙申以式部卿藤原宇合為持節大將軍宮內

太輔高橋安麻呂為副將軍征討蝦夷十四日癸卯

令坂東九國兵三萬教習騎射試練軍陳運帛絕綿

布於陸奧鎮所十八日丁未月犯熒惑五月二十四

日壬午以從五位上小野牛養為鎮狄將軍鎮撫出

羽蝦狄秋七月戊午朔日有食之二十日丁丑熒惑

逆行丁未今推干支是月無丁未丁未八以從五位上土

師豐麻呂為遣新羅使冬十月五日辛卯車駕幸紀

伊七日癸巳行至玉垣勾頓宮八日甲午至玉津島

頓宮十六日壬寅詔改弱濱為明光浦置守戶春秋

二時祭玉津島之神二十一日丁未還至和泉所石



頓宮二十三日巳酉車駕還宮十一月八日甲子太  
政官奏上古淳朴冬冗夏巢後世聖人代以宮室亦  
有京師帝王為居萬國所朝自非壯麗何以表德板  
屋草舍中古遺制難營易破空殫民財請命有司令  
五位以上及庶人堪營者構建瓦舍塗為丹堊奏可  
二十三日巳卯大嘗二十九日乙酉征夷持節大使  
藤原宇合鎮狄將軍小野牛養等還京師

二年乙丑春正月丙辰朔山背備前獻白燕二十四  
日巳卯有星孛于華蓋閏月三日戊子月犯填星本  
書  
在壬寅之下  
今推步叙之十七日壬寅集六百僧於宮中讀大般

若經以禳天變二十二日丁未詔叙征夷將軍藤原  
宇合以下一千六百九十六人勲位各有差三月辛

甕原離宮

三月以下  
據萬葉集

夏五月二十二日甲辰土師豐

麻呂還自新羅是月辛勞野離宮

是月以下  
據萬葉集

六月二

十二日癸酉太白晝見秋七月十七日戊戌詔七道

諸國曰除冤祈祥

三代格作  
禳灾祈福

必憑幽冥敬神尊佛清

淨為先今聞諸國神祇社內多有穢臭及放雜畜敬  
神之禮豈可如是其國司長官自執幣帛慎致灑掃  
常為歲事又詩寺院勤加掃淨令僧尼讀金光明經  
若無此經轉最勝王經令禱國家平安九月二十二



日壬寅詔曰朕聞古先哲王君臨寰宇順兩儀以亭  
毒協四序而齊成陰陽和而風雨節災害除以休徵  
臻故能騰茂飛英爵爲稱首朕以寡薄嗣膺景圖戰  
戰兢兢夕惕若厲懼一物之失所矐懷生之便安教  
令不明至誠無感天示星異地頻動震仰惟災眚責  
深在予昔殷高倫德消雉之妖宋景行仁弭災惑  
之異遙瞻前軌寧忘誠惶宜令所司度三千人出家  
入道左右京及大倭諸寺轉經七日憑此冥福冀除  
災異冬十月十日庚申幸難波宮二十九日己卯太  
白歲星晝見芒角相合十一月十日己丑日南至御

大安殿受賀宴親王及文武百寮十二月庚戌朔日  
有食之二十一日庚午詔曰死者不可復生刑者不  
可復屬此先典之所重豈無恤刑之制今京師及天  
下諸國見禁囚徒死罪宜從流流罪宜從徙徙以下  
並依刑部奏

三年丙寅春正月二日辛巳京職獻白鼠大倭獻白  
龜夏六月五日辛亥新羅貢調十四日庚申詔曰百  
姓或深沈痾經年未愈或得重病晝夜辛苦朕爲父  
母何不憐愍宜給醫藥於京畿諸國救療此類依病  
輕重給穀賑恤所司存懷勉稱朕心十五日辛酉太



上天皇不豫命天下放生二十一日丁卯為上皇度  
僧尼三千人秋七月十八日癸巳詔曰太上天皇不  
豫稍經二序其大赦天下疹疾之徒宜給湯藥十九  
日甲午度僧尼二十二人二十日乙未遣使奉幣帛  
於石成葛木住吉賀茂等神社八月八日癸丑本書  
寅今推甲子是月丙午朔為禱上皇病造佛像寫經  
無庚寅據日本紀畧訂之設齋藥師寺九月十二日丁亥天皇臨軒詔曰今秋  
大稔民產豐實思與天下共此歡慶宜免今年田租  
十五日庚寅宮中生玉來勅朝野文人士詩賦二十  
七日壬寅賜文人一百十二人絕綿布各有差冬十

月七日辛亥行幸播磨印南野十日庚寅至印南野  
邑美頓宮本書辛亥作辛酉脫播磨印南野五字及  
載笠金村歌曰九月十五日十九日癸亥還至難波宮  
日辛印南野月日並誤二十九日癸酉車駕至自難波十二月十二日乙卯  
大白犯填星是歲尾張飢遠江水賑貸三年  
四年丁卯春正月甲戌朔以雨廢朝三日丙子御大  
極殿受朝左京職獻白雀河內獻嘉禾異畝同穗九  
日壬午宴五位已上於南苑賚帛有差二十二日乙  
未月犯心大星二月十三日丙辰雷雨大風按萬葉  
正月諸王臣遊春日野其日雷雨宮中無侍衛教謹  
責之散禁於校刀寮本書不書正月雷附以備考



十八日辛酉集僧尼九百于中宮讀金剛般若經以  
禳災異二十一日甲子御內安殿召文武百寮詔曰  
比者咎徵荐臻災異不止如聞時政違乖民情愁怨  
則天地告譴鬼神見異朕施德不明有懈缺耶將百  
寮官人不勤奉公耶身隔九重多未詳委宜令諸司  
長官精擇主典以上勞心公務清勤著聞者心挾茲  
僞不供其職者具名奏聞其善者量才昇進其惡者  
隨狀貶黜宜莫隱諱副朕意焉是日遣使七道巡察  
國司政績二十三日丙寅詔曰時臨東作人赴田疇  
膏澤調暢春事既起思九農之方茂冀五稼之有饒

順是令節仁及黎元宜賜京邑六位已下至庶人戶  
鹽穀三月三日乙亥百官奉敕條奏官人善惡十三  
日乙酉御正殿詔賜善政官人物上等絕中等不在  
賜例下等黜之二十日壬辰慶長谷寺二十日以下  
水鏡一代要  
記帝王  
編年記二十日甲午御南苑敕衛府人等日夜宿  
衛闕庭不得輒離其府因賜五衛府授刀寮醫師已  
下至衛士布有差二十五日丁酉熒惑入東井西亭  
門夏五月壬申朔日有食之四日乙亥行幸甕原離  
宮六日丁丑車駕還宮二十日辛卯颼風折南苑樹  
樹化為雉秋九月壬申遣井上內親王侍太神宮閔



月二十九日丁卯皇子生冬十月五日癸酉以皇子  
生赦天下賜百官物十一月二日己亥詔立皇子爲  
皇太子八日乙巳南島人來朝十二月二十日丁亥  
遣七道使還詔隨其能否黜陟國司是歲安房大風  
損稼上總山崩人死賑恤之

五年戊辰春正月戊戌朔以雨廢朝三日庚子御大  
極殿受朝十七日甲寅渤海郡王大武藝遣使獻方  
物渤海始通十四日壬午以從六位下引田蟲麻呂  
爲送渤海客使夏四月丁卯朔日有食之二十五日  
辛卯敕曰如聞諸國郡司等部下右騎射相撲及聲

力者輒給王公卿相之家有詔搜索無人可進自今

而後不得更然若有違者嚴加黜罰公事振源曰神龜三年始召諸

國相樸蓋五年訛五月十六日辛亥左右京水損七

百餘戶賜布穀鹽二十日乙卯太白晝見秋八月甲

子朔本書作甲午無朔字按是月甲子詔禁天下養

鷹始置內匠寮中衛府四日丁卯大白經天本書在丙戌之

下今推二十一日甲申皇太子疾大赦天下二十三

日丙戌以皇太子疾遣使奉幣帛於諸陵九月十三

日丙午皇太子薨二十九日壬戌流星墜宮中冬十

一月癸巳朔雷十三日乙巳日南至御南苑宴五位



以上賜絕有差十二月二十八日巳丑頒金光明經  
六十四帙於諸國每國轉讀以祈國家平安是歲始  
試進士是歲以下年中行事按本書不載試進士而  
三月三日書天皇御烏池塘宴五位以上召  
文人賦曲水詩年中行  
事蓋據此文乎未詳  
天平元年巳巳春正月十六日丁未敕孟春之月萬  
物和悅宜給京畿官人以下酒食價直酬一日二十  
一日壬子詔五位以上高年不堪朝者遣使就第慰  
問賜物二月十二日癸酉左大臣長屋賜死二十一  
日壬午曲赦坐長屋王事左右京大辟巳下罪夏四  
月三日癸亥敕文武百官天下百姓有學習異端蓄

積幻術厭魅咒咀害傷百物者首斬從流如有停住  
山林佯說佛法封印書符合藥造毒萬方作怪違犯  
敕禁者亦同其罪六月庚申朔講仁王經於朝道堂及  
畿內七道公事根源曰是年四月八日始奉御讀經  
然本書所不載說見元明紀和銅元年  
二十日巳卯左京職獻靈龜背有文曰天皇貴平知  
百年二十一日庚辰薩摩隼人貢調二十六日乙酉  
熒惑入太微秋七月二十日巳酉大隅隼人貢調二  
十四日癸丑月入東井八月五日癸亥宣詔以獲瑞  
龜為太上天皇德化所致改元天平公卿補任作  
天平聖曆大  
赦天下免左右京今年田租獲瑞者賀茂子蟲授位



賜物唐僧道榮以訓導子蟲令獻大瑞擬從五位下  
階施緋色袈裟并物十日戊辰立夫人藤原光明子  
爲皇后冬十月戊午朔日有食之十一月七日癸巳  
置京畿班田司

二年庚午春正月丙戌朔以雨廢朝二日丁亥御大  
極殿受朝三月十六日庚子熒惑晝見二十七日辛  
亥太政官奏大學生徒既經歲月習業庸淺猶難傳  
達實是家道困窮無物資給雖有好學不能遂志諸  
選性識聰慧藝業優長者專精學問以加善誘仍給  
衣食又陰陽醫術七曜頒曆等諸博士年齒衰老若

不教授恐致絕業請令吉田宜大津首等各取弟子  
傳習其業給衣食準大學生又諸蕃異域風俗不同  
若無譯語難以通事令粟田馬養播磨乙安等各取  
弟子令習漢語並許之夏四月十六日庚午詔改天  
下婦女衣服施用新樣十七日辛未始置皇子宫職  
施藥院六月二十七日庚辰以旱檢校四畿內水陸  
田神祇官曹司災二十九日壬午震神祇官屋災閏  
月十七日庚子敕新田部親王率神祇官卜雷震遣  
使奉幣畿內七道諸社二十七日庚戌敕比者亢陽  
稍盛恐損年穀宜遣使四畿內檢百姓產業秋八月



七日己丑太白入太微二十九日辛亥引田蟲麻呂  
還自渤海九月壬子朔日有食之二日癸丑天皇御  
中宮引田蟲麻呂等獻渤海郡王信物二十五日丙  
子遣使六陵頒奉渤海信物二十八日己卯停諸國  
防人二十九日庚辰詔曰京畿諸國多有盜賊或抵  
人家劫掠或在海中侵奪蠹害百姓莫甚於此宜令  
所在官司嚴加捉搦又安藝周防國人妄說禍福多  
聚徒衆妖祠死魂云有所祈又京左山原有聚集多  
人妖言惑衆者多則萬人少至數千深違憲法爲害  
滋甚自今以後勿使更然又造法捕禽獸先朝所禁

擅發兵馬當今不聽而諸國造法發兵殺害猪鹿非  
直害生實違章程宜頒諸道並須禁斷冬十月二十  
九日庚戌遣使頒渤海信物於諸國名神社十一月  
七日丁巳雷雨大風

三年辛未春正月庚戌朔美作獻木連理二十六日  
乙亥以神祇官奏庭火御竈四時祭祀立爲永制二  
月庚辰朔日有食之三月七日乙卯廢諏方國併信  
濃國夏六月紀伊阿武郡海水變如血秋八月五日  
辛巳敕諸司主典以上曰執事卿等或薨逝或老病  
不堪理務宜各舉所知堪濟務者七日癸未主典以



上三百九十六人諸闕上表舉名以聞十一日丁亥  
詔依諸司舉擢式部卿藤原宇合民部卿多治比縣  
守等六人爲參議二十五日辛丑詔曰天地所賦豐  
年爲最今歲登熟朕甚嘉焉思與天下共受斯慶宜  
免京畿諸國今年田租之半但淡路河波讚岐德岐  
等國租及天平元年以往連負咸免餘之冬十一月  
庚戌日南至今推曆法十五日庚申冬至庚戌五日御  
南殿宴五位已上賜錢有差二十二日丁卯始置畿  
內總管諸道鎮撫使以一品新田部親王爲大總管  
從三位藤原宇合副總管從三位多治比縣守爲山

陽道鎮撫使從三位藤原麻呂山陰道鎮撫使正四  
位下大伴道足南海道鎮撫使十二月二日丙子甲  
斐獻神馬二十一日乙未詔曰朕君臨四海宇養萬  
姓日昃忘膳夜寐失席粵得治部卿門部王等奏稱  
甲斐所進神馬黑身白鬣尾謹檢符瑞圖曰神馬者  
河之精也援神契曰德至山陵則出神馬寶合大瑞  
者斯則宗廟所輸社稷所配朕以不德何堪獨受與  
天下悅理允恒典宜大赦天下賑給孝子順孫高年  
鰥寡惻獨不能自存者進獲瑞者位免甲斐今年庸  
及出馬郡庸調



四年壬申春正月乙巳朔天皇始冕服受朝左京職  
獻白雀二十日甲子以從五位下角家主爲遣新羅  
使二月甲戌朔日有食之夏五月十九日庚申新羅  
使朝貢二十三日甲子遣使五畿內祈雨秋七月五  
日丙午令兩京四畿內及二監依釋氏法請雨詔曰  
從春亢旱至夏不雨百川減水五穀稍凋實以朕之  
不德所致也百姓何罪燹荼之甚矣宜使京及諸國  
奉幣帛於天神地祇名山大川又審錄冤獄掩骼埋  
胔禁酒斷屠賑恤高年及鰥寡惻獨不能自存者其  
赦天下常赦所不原者不在赦限十五日丙辰地震

八月四日甲戌大雨十一日辛巳角家主還自新羅  
十七日丁亥以從四位上多治比廣成爲遣唐大使  
從五位下中臣名代爲副正三位藤原房前爲東海  
東山二道節度使從三位多治比縣守山陰道節度  
使藤原宇合西海道節度使二十七日丁酉大風雨  
壞民廬舍及佛寺堂塔九月辛丑朔賑給和泉監百  
姓冬十月三日癸酉始置造客館司十一月二十七  
日丙寅日南至御南苑宴群臣賜親王已下絕高年  
綿曲赦京畿二監徒罪以下十二月十七日丙戌鑿  
河內狹山下池二十二日辛卯地震是歲旱稼穡不



登

五年癸酉春正月庚子朔越前獻白鳥七日丙午雷  
 風九日戊申熒惑入軒轅閏三月二日己巳敕和泉  
 監紀伊淡路阿波等國去年炎旱五穀不登宜貸今  
 年大稅續百姓產業二十一日戊子召諸王飢乏者  
 一百十三人於殿前各賜米鹽詔責其懶惰令治生  
 業是春賑貸讚岐大倭河內遠江飢饉夏五月二十  
 六日辛卯敕以皇后疾大赦天下六月九日甲辰太  
 白入東井秋七月乙丑朔日有食之六日庚午始令  
 大膳備盃蘭盆供著為恒典

按日本紀齋明帝五年七月設盃蘭盆會於飛

鳥寺其後無所見公事根源濫觴抄以是年為原始今據之

九月二十三日丁

亥遠江蔡原郡女子一產三男賜穀及乳母是歲左  
 右京及諸國飢疫賑貸之

六年甲戌春正月癸亥朔但馬守藝長門獻木連理  
 十七日己卯以大納言藤原武智麻呂為右大臣二  
 月癸巳朔御朱雀門觀歌垣令京師士女縱觀賜奉  
 歌垣男女物有差三月十日辛未行幸難波宮十七  
 日戊寅行至竹原井頓宮十九日庚辰車駕還宮夏  
 四月七日戊戌地大震山崩川壅民多壓死十二日  
 癸卯遣使畿內七道檢察神社破壞十七日戊申詔



曰地震異常恐動山陵宜遣諸王真人率土師宿禰  
一人檢察八陵及有刃諸王之墓又詔地震之災恐  
由政事有關凡厥諸寮剋理職事自今以後若不改  
勵隨其狀迹必加貶黜二十七日壬子遣使京畿問  
民疾苦秋七月七日丙寅觀相撲戲此夕御南苑命  
文人賦七夕詩賜物有差七夕宴至此始見後世乞  
巧莫即此也故此後不書  
公事根源以為天平勝寶七年始修乞巧奠十二日  
然本書所不載蓋有誤故今不取  
辛未詔曰朕撫育黎元稍歷歲月風化尚墜囹圄未  
空通且忘寐憂勞在茲頃者天頻見異地數震動良  
由朕訓道不明民多入罪責在予一人匪關兆庶宜

存寬宥而躋壽域蕩瑕穢而計自新可大赦天下常  
赦所不免不在赦例九月二十四日壬午地大震冬  
十月四日辛卯曲赦京師死罪十二月戊子朔日有  
食之

七年乙亥春二月十七日癸卯新羅使來二十七日  
癸丑遣中納言多治比縣守問新羅使入朝之旨新  
羅輒改本號曰王城國因却其使三月十日丙寅遣  
唐大使多治比廣成還自唐夏五月四日巳未衆星  
交錯亂行無常二十日乙亥始作畿內七道外散位  
及勲位定額每國有差二十三日戊寅敕朕以寡德



臨馭萬姓自暗治機未能寧濟迺者災異頻興咎徵  
仍見戰々兢々責在予矣宜緩刑愍窮以在寬恤可  
大赦天下二十四日己卯轉讀大般若經於宮中及  
大安藥師元興興福四寺祈消災安國六月五日己  
丑除并寺令秋七月二十六日己卯大隅薩摩隼人  
朝貢八月二日乙酉大白辰星相犯十二日乙未赦  
太宰府奉幣部內神祇禳疫氣令府大寺及諸寺讀  
金剛般若經仍遣使賑給疫民竝加湯藥二十三日  
丙午太宰府言管內諸國疫瘡大行請停今年貢調  
奏可壬午晦一品新田部親王薨冬十一月十四日

乙丑知太政官事一品舍人親王薨閏月壬午朔日  
有食之十七日戊戌詔以災異屢見疫癘不已大赦  
天下二十一日壬寅天皇臨朝敕諸國朝集使曰朕  
選卿等仕爲國司奉遵典章僅一二人而或以虛事  
求聲譽或背公家營私業因茲國內弊損百姓困乏  
自今以後勤恪奉法者褒賞之懈怠無狀者貶黜之  
宜知斯意各自努力是歲穀頗不稔自夏至冬天下  
患鼠豆瘡大死者多

八年丙子春二月二十八日戊寅以從五位下阿部  
繼麻呂爲遣新羅大使三月辛巳朔行幸甕原離宮



五日乙酉還宮夏五月庚辰朔日有食之六月二十  
七日乙亥幸勞野離宮秋七月十三日庚寅還宮十  
四日辛卯詔曰比來太上天皇寢膳不安朕甚憂惻  
宜度一百人都下四大寺行道七日給天下百姓僧  
尼有病者藥糧及高年穀賑恤鰥寡惻獨是月遣唐  
副使中臣名代還自唐冬十月二十二日戊辰詔曰  
如聞比年太宰所管諸國公事稍繁勞役不少加以  
去冬疫瘡男女困憊農事有廢五穀不饒宜免今年  
田租以續民命二十七日癸酉太白入月十一月十  
九日甲午詔以秋稼頗損免京畿及二監田租

九年丁丑春正月二十二日丙申詔遣持節大使藤  
原麻呂副使佐伯豐人等於陸奧征男勝村通路于  
出羽柵二月十五日己未遣新羅使還奏新羅失禮  
不受使命於是召群臣令上意見三月三日丁丑詔  
每國造佛像三軀寫大般若經一部夏四月乙巳朔  
遣使奉幣伊勢神宮大神社筑紫住吉八幡二社春  
推宮告新羅無禮之狀十九日癸亥詔以太宰管内  
諸國疫瘡流行百姓多死奉幣部內諸社賑恤貧民  
給湯藥五月甲戌朔日有食之召僧六百于宮中讀  
大般若經十九日壬辰詔曰四月以來旱疫竝行田



苗焦萎由是禱祈山川奠祭神祇未得効驗朕以不  
德實致茲災思布寬仁以救民患宜令國郡審錄寬  
獄掩骼埋胔禁酒斷屠賑恤高年篤癯普賜文武職  
事以上物其大赦天下六月甲辰朔以百官患疫廢  
朝秋七月二十三日乙未以右大臣藤原武智麻呂  
疾大赦天下二十五日丁酉以武智麻呂爲左大臣  
是日薨八月二日癸卯命天下僧尼每月讀最勝王  
經齋日禁殺生十三日庚寅詔曰自春以來災氣劇  
發百官百姓死亡實多良由朕之不德致此災殃仰  
天慚惶不敢寧處宜優復百姓使得存濟其免天下

今年租賦公私逋負諸國神祇能興風致雨未預幣  
帛者咸入供幣之例十五日丙辰爲祈國家安寧呂  
僧七百於宮中轉讀大般若經最勝王經九月二十  
八日己亥以從三位鈴鹿王知太政官事賜京畿二  
監僧二十三百七十六人綿鹽有差是秋大倭伊豆  
若狹伊賀駿河長門饑疫賑給之冬十月二日壬寅  
停叔左右京徭錢七日丁未停額外散位輸續勞錢  
十九日己未地震二十六日丙寅讀金光明最勝王  
經於大極殿十一月三日癸酉遣使天下修造諸神  
社二十二日壬辰宴群臣于中宮賜物有差十二月



二十七日丙寅改大倭國爲大養德國是歲自春至  
秋疫瘡大行發自筑紫遂遍天下人無貴賤相繼死  
亡

十年戊寅春正月庚午朔信濃獻神馬十三日壬午  
立阿倍內親王爲皇太子大赦天下以大綱言橘諸  
兄爲右大臣十七日丙戌皇帝幸松林苑宴文武百  
寮賜物有差是月太宰府奏新羅使來三月二十八  
日丙申施山階寺封一千戶鵜寺二百戶隅院一百  
戶夏四月十七日乙卯詔爲祈國家隆平使畿內七  
道轉讀最勝王經三日五月三日庚午停諸國貢健

兒二十四日辛卯遣右大臣橘諸兄神祇伯中臣名  
代等於伊勢奉神寶於大神宮六月二十四日辛酉  
遣使太宰府却還新羅使秋七月七日癸酉御大藏  
省觀相撲至晚御西池宮命文人賦詩賜物有差秋  
八月二十六日辛卯令天下諸國上國郡國九月丙  
申朔日有食之六日辛丑地震冬十月三日丁卯免  
京畿二監今年田租二十五日己丑遣巡察使于七  
道採諸國宰政績黎民勞逸  
十一年己卯春正月甲午朔出雲獻赤烏越中獻白  
鳥二月二十六日戊子以皇后疾大赦天下常赦所



不赦者咸赦除之三月二日甲午行幸甕原離宮五日丁酉還宮二十一日癸丑詔以對馬島獻神馬賑給孝子順孫高年鰥寡孤獨不能自存者二十三日乙卯天皇從太上天皇行幸甕原離宮二十六日戊午還宮夏五月二十三日甲寅詔曰諸國郡司徒多負數無益任用侵漁百姓為蠹實深減省舊負改定其數辛酉晦詔免諸國今年出舉正稅之利秋七月十四日甲辰詔曰方今孟秋禾苗盛秀欲風雨調和年穀成熟經悔過七日夜九月庚寅朔日有食之冬宜使天下諸寺轉讀五穀成熟十一月十日戊辰渤

海使來獻方物

十二年庚辰春正月戊子朔飛驒獻白狐白雉十三日庚子以外從五位下大伴犬養為遣渤海大使二月七日甲子行幸難波宮十九日丙子車駕還宮三月十五日辛丑以外從五位下紀必登為遣新羅大使五月十日乙未車駕幸右大臣橋諸兄相樂別業十二日丁酉還宮六月十五日庚午敕曰朕君臨八荒奄有萬姓履薄馭朽情深覆育求衣忘寢思切納隍恒念何答上玄人民有休平之樂能稱明命國家致寧泰之榮普施寬仁桂網之徒保身命而得壽廣



布鴻恩窮乏之類脫寒微而有息宜大赦天下免流  
人穗積老多治比祖人等入京十九日甲戌令天下  
每國寫法華經十部造七層塔秋八月二十日甲戌  
省和泉監并河內國九月三日丁亥太宰少貳藤原  
廣嗣反以從四位上大野東人爲大將軍從五位上  
紀飯麻呂爲副討之十一日乙未遣治部卿三原王  
奉幣帛於大神宮十五日己亥勅畿內七道曰比來  
緣統紫有不軌之臣命軍討伐願憑保佑以安百姓  
其每國造觀世音像寫觀世音經冬十月五日戊午  
大伴犬養還自勃海九日壬戌詔大野東人祈討賊

於八幡神十五日戊辰紀必登還自新羅二十九日  
壬午行幸伊勢十一月二日乙酉至伊勢關宮淹留  
十日三日丙戌遣少納言大井王奉幣帛於大神宮  
四日丁亥獵于和遲野五日戊子藤原廣嗣伏誅十  
二日乙未車駕發關宮十四日丁酉進至鈴鹿郡赤  
坂領宮二十六日己酉至美濃當伎郡十二月二日  
甲寅幸宮處寺及曳常泉四日丙辰車駕巡觀國城  
六日戊午至近江坂田郡橫川領宮以將遷都使右  
大臣橘諸兄經畧山背相樂郡恭仁鄉十三日乙丑  
幸志賀山寺禮佛十四日丙寅車駕至相樂郡玉井



頓宮十五日丁卯幸恭仁宮太上天皇皇后繼至  
十三年辛巳春正月癸未朔始御恭仁宮受朝宮垣  
未成統以帷帳十一日癸巳遣使奉幣大神宮及七  
道諸社以告遷新京二月七日戊午詔曰馬牛代人  
勸勞養民因茲先有明制不許屠殺今聞百姓猶有  
屠殺如有犯者不問償贖先決杖一百然後科罪又  
聞國郡司等非緣公事聚人田獵妨民產業損害實  
多宜切禁斷犯者處罪三月壬午朔日有食之二十  
日辛丑攝津職言比日有鶴一百餘集宮殿每日辰  
來未去因遣使鎮謝焉二十四日乙巳詔天下每國

置金光明四天王護國之寺法華滅罪之寺閏月二  
十四日甲戌奉秘錦冠佛經等於八幡神宮以賽宿  
禱夏五月六日乙卯天皇幸河南觀校獵秋七月十  
日戊午太上天皇徙御新宮天皇奉迎河上十三日  
辛酉宴群臣于新宮奏女樂高麗樂五位以上賜物  
有差八月二十八日丙午移平城二市于恭仁京九  
月四日辛亥免左右京百姓調租四畿內田租八日  
乙卯敕以遷都大赦天下免大養德伊賀伊勢美濃  
近江山背等供奉行宮諸郡今年調十二日己未遣  
木工頭智智努王民部卿藤原仲麻呂等頒給京都



百姓宅地賀世山西路以東爲左京以西爲右京丁  
丑晦行幸宇治山科冬十月二日己卯還十六日癸  
巳賀世山東河橋成十一月二十一日戊辰敕名新  
京曰大養德恭仁大宮十二月十日丙戌并安房于  
上總能登于越中是歲佐渡霖雨傷稼免田租庸調  
十四年壬午春正月丁未朔以大極殿未成權造四  
阿殿受朝賀五日辛亥廢太宰府竹宮物於筑前國  
司二十三日己巳陸奧言雨赤雪二月三日戊寅太  
宰府言新羅使來朝五日庚辰詔以宮室未成遣右  
大辨紀飯麻呂於太宰饗新羅使而還之三月二十

四日己巳地震夏五月三日丙午遣使畿內檢校被  
水百姓產業十日癸丑越智山陵壞十三日丙辰遣  
知太政官事鈴鹿王等修營之十七日庚申遣使賫  
獻物奉山陵六月五日戊寅夜京師徃徃雨飯秋七  
月癸卯朔日有食之八月二日甲戌令京畿七道諸  
國司等錄上孝子順孫義夫節婦力田人名十一日  
癸未敕造宮卿智努王造近江紫香樂宮十二日甲  
申幸石原宮十三日乙酉造大橋於恭仁宮城西南  
二十七日己亥幸紫香樂宮九月壬寅朔幸刺松原  
四日乙巳車駕還恭仁宮十二日癸丑大風雨十七



日戊午遣巡察使於七道冬十月十七日戊子流正  
四位下鹽燒王於伊豆三島正四位下本書作從四  
位下然檢本書先是既  
叙正四位十一月五日丙午免京畿今年田租十一  
下放訂之  
日壬子大隅國司言空中有聲如大鼓地大震二十  
五日丙寅遣使檢之十二月十六日丁亥地震十七  
日戊子禁近江豪家擅占鐵穴二十九日庚子行幸  
紫香樂宮是歲以參議藤原豐成兼中衛大將是歲  
以下  
據本書天平神護元年十一月之久補任一本為十  
二年正月蓋誤○按本書神龜五年始置中衛府大  
將一人而不書以某為大將據萬葉集補任先是藤  
原房前為中衛大將然其年月未詳故不書說見房  
前傳

十五年癸未春正月二日壬寅車駕至自紫香樂三  
日癸卯御大極殿受朝賀十二日壬子御石原宮樓  
饗百官及有位人十三日癸丑集僧金光明寺讀金  
光明最勝王經十四日甲寅太宰府始供暖赤魚十  
四  
日以下年中行事引官曹事類筑後風土記公事根  
源曰景行帝時紫宇土郡人釣魚獻帝至是歲正月  
始供暖赤後也元日節二月十一日辛巳并佐渡于  
會奏暖赤贄以為恒例  
越後二十五日乙未月掩熒惑二十七日丁酉月掩  
太白夏四月三日壬申行幸紫香樂十六日乙酉還  
宮是月新羅貢調使至筑前責其失禮却之五月三  
日辛丑自三月不雨至是月奉幣帛於畿內諸社祈



之五日癸卯以右大臣橘諸兄為左大臣二十八日  
丙寅備前言邑久郡海漂大魚五十二聲如鹿鳴六  
月二十四日辛卯自酉至戌宇治河涸行人揭涉秋  
七月戊戌朔日有食之五日壬寅出雲言楯縫出雲  
二郡大雷雨山嶽崩頽壞廬舍埋田畝庚寅今推甲子此月  
無庚寅干支必有一誤地震二十六日癸亥幸紫香樂宮是月  
上總大風雨八月丁卯朔幸鴨川改名宮川冬十月  
十六日辛巳詔造金銅廬舍那佛大像十一月二日  
丁酉車駕還恭仁宮十二月二十六日辛卯始置筑  
紫鎮西府以從四位下石川加美為將軍外從五位

下大伴百世為副先是毀平城大極殿遷於恭仁宮  
四年于茲其功纔竣所費巨多至是更造紫香樂宮  
停營恭仁宮

十六年甲申春正月丙申朔廢朝閑月乙丑朔詔召  
百官於朝堂問恭仁難波孰定為都各陳便宜群議  
未決四日戊辰使從三位巨勢奈麻呂等就市糶  
訪民言皆願以恭仁京為都十一日乙亥行幸難波  
宮十三日丁丑安積親王薨二月十日甲辰幸和泉  
宮十三日丁未車駕還難波宮二十一日乙卯恭仁  
京百姓欲遷難波者聽之二十二日丙辰幸安曇江



遊觀松林二十四日戊午幸紫香樂宮二十六日庚申敕定難波宮爲皇都三月十四日丁丑召二百僧轉讀大般若經於紫香樂宮十五日戊寅召三百僧讀大般若經於難波宮夏四月十三日丙午紫香樂宮西北山焚城下男女數千撲滅之因賜布人一端二十一日甲寅廢造兵鍛冶二司五月肥後雷雨地震山崩水溢人多壓溺賑恤之六月二十一日壬子雨水秋七月二日癸亥太上天皇幸智努離宮七日戊辰上皇幸仁岐河八日己巳上皇還難波宮九月十五日甲戌遣巡察使於畿內七道二十七日丙戌

頒示三十二條於巡察使敕曰頃聞諸國郡官人等不行法令空置卷中無畏憲章擅求利潤公民歲幣私門日增朕之股肱豈合如此自今以後宜依頒條每四考終必加訪察奏聞即隨善惡黜陟其人遂令涇渭殊流賢愚得所若有巡察使諂曲爲心昇降失理當寘法律以明勸沮無偏無黨清風肅俗拔自常班處以榮秩宜告所司知朕意焉冬十月十一日庚子上皇幸珍努及竹原并離宮十三日壬寅上皇還難波宮十一月十三日壬申造廬舍那佛像於甲賀寺是日始建骨柱天皇親臨手引其繩十四日癸酉



上皇幸甲賀寺十七日丙子上皇自難波至

按此時既遷難

波不應書自難波至疑有脫誤未詳

十二月二日庚寅有星孛於將軍

四日壬辰使天下諸國修藥師悔過七日八日丙申

度一百人然一萬燈於金鐘寺及朱雀路

十七年乙酉春正月己未朔廢朝新京宮垣未成繞

以帷帳樹大楯檜宴五位以上賜物有差夏四月戊

子朔市西山焚二日庚寅寺東山焚八日乙未伊勢

真木山焚十一日戊戌宮城東山焚三日不滅十五

日壬寅召還流人鹽燒王二十七日甲寅詔依巡察

使奏免諸國去年租赦天下是日地震三日不止美

濃殊甚五月二日己未讀最勝王經於京師諸寺七

日是日太政官召諸司問定都何地僉言可都平城

六日癸亥車駕還恭仁京百姓拜謁道左稱萬歲八

日乙丑敕四大寺讀大集經奉幣諸社祈雨九日丙

寅甲賀山焚連日不滅十日丁卯讀大般若經於平

城宮自戊午朔至是日每日地震十一日戊辰奉幣

帛於諸陵車駕還于平城居中宮院諸司百官各歸

本曹十六日癸酉地震十八日乙亥又震天皇親臨

松林倉廩賜從官穀有差是月地震異常往々地裂

水湧六月四日庚寅遣使奉幣帛于太神宮五日辛



卯復置太宰府秋七月五日庚申遣使祈雨十七日  
壬申地震十八日癸酉又震八月十五日庚子設無  
遮大會於大安殿二十四日巳酉地震二十八日癸  
丑行幸難波宮二十九日甲寅地震九月二日丙辰  
又震四日戊午知太政官事兼式部卿鈴鹿王薨十  
五日巳巳禁天下殺獸三年十七日辛未敕朕頃者  
枕席不安稍延旬日以為治道有失民多罹罪宜大  
赦天下常赦所不赦咸赦之賑恤高年八十以上及  
鰥寡惻獨篤癯不能自存者十九日癸酉天皇不豫  
敕平城恭仁留守固守宮中悉追係王赴難波宮遣

使收平城宮鈴印又令京畿諸寺名山行藥師懺奉  
幣禱祈加茂松尾等社放諸國鷹鷄度三千八百人  
二十日甲戌遣使奉幣帛於八幡社令京畿諸國寫  
大般若經一百部造藥師像七軀寫藥師經七卷二  
十三日丁丑聚六百僧於平城中宮讀大般若經二  
十六日庚辰車駕還平城冬十月二十八日辛亥河  
內言獲白龜十一月二日乙卯配僧玄昉於筑紫檢  
造觀世音寺十二月十五日戊戌移恭仁宮兵器於  
平城

十八年丙戌春正月癸丑朔廢朝十四日丙寅地震



二十八日庚辰右京女子一產三女賜稻二十九日  
辛巳地震壬午晦又震三月七日己未以河內獻白  
龜授天下六位以下爵一級孝子順孫義夫節婦及  
力田者二級十五日丁卯敕曰興隆三寶國家之福  
田撫育萬民先王之茂典故爲寔基永固皇胤長業  
天下安寧黎元利益講仁王般若經開其爲教以慈  
爲先宜赦天下夏四月五日丙戌以左大臣橘諸兄  
兼太宰帥中納言藤原豐成兼東海道鎮撫使參議  
式部卿藤原仲麻呂東山道中納言巨勢奈氏麻呂  
北陸山陰兩道參議大伴牛養山陽道參議紀麻呂

南海道五月九日庚申禁諸寺私買民田園永爲寺  
地六月五日丙戌地震秋七月辛亥朔遣使畿內祈  
雨九月三日壬子遣齋王縣女王於伊勢十三日壬  
戌地震二十九日戊寅毀恭仁京大極殿施國分寺  
閏月十三日辛卯地震冬十月六日甲寅天皇皇后  
從上皇幸金鐘寺慶廬遮那佛像是月日向言風雨  
損蠶因免調庸十二月十日丁巳停七道鎮撫使復  
差點京畿諸國兵士是歲渤海及鐵利人慕化來朝  
安置出羽給衣糧放還  
十九年丁亥春正月丁丑朔廢朝御南苑宴侍臣敕



曰朕寢膳遲和延經歲月省已推物豈無矜慈宜大  
赦天下救濟憂苦二月二十一日丁卯詔以去年亢  
旱年穀不稔賜大臣以下諸司長上已上稅布鹽各  
有差賑恤大倭河內攝津近江伊勢志摩丹波出雲  
播磨美作備前備中紀伊淡路讚岐飢饉三月十六  
日辛卯改大養德國復爲大倭國夏四月十四日巳  
未紀伊旱疫賑給之五月十二日丁亥地震十五日  
庚寅講仁王經於南苑使天下諸國同講六月十五  
日巳未雩於羅城門秋七月七日辛巳詔曰自去六  
月京師亢旱由是奉幣名山祈雨諸社至誠無驗苗

稼焦凋此蓋朕之政教未洽於民乎宜免左右京今  
年田租冬十月癸卯朔日有食之十二月十四日乙  
卯以上皇疾大赦天下

二十年戊子春正月壬申朔廢朝三月八日戊寅敕  
朕以薄德君臨四海夙興夜寢憂勞兆民然猶風化  
未洽犯禁者多是訓導之不明非黔首之愆咎萬方  
在罪在予一人咸洗瑕穢更令自新宜大赦天下夏  
四月二十一日庚申太上天皇崩二十二日辛酉敕  
天下舉哀三日二十八日丁卯葬元正天皇敕天下  
素服六月五日癸卯百官諸國釋服秋七月十八日



丙戌寫法華經一千部薦元正帝冥福八月五日癸卯改定釋奠儀式器服二十一日己未車駕幸散位葛井廣成家與群臣燕飲各十月二十八日乙丑詔免京畿七道田租十二月十八日甲寅遣使鎮祭佐保山陵度僧尼各一千是歲河內出雲近江播磨饑賑給之

天平感寶元年己丑春正月丙寅朔廢朝使天下諸寺悔過七日轉讀金光明經禁天下殺生四日己巳以比年亢旱五穀不登給文武官及諸家司米人每月六斗二月二十一日丙辰以屢有匿名書下詔教

誡百官及大學生徒以禁將來二十二日丁巳陸奧始貢黃金奉幣畿內七道諸社告之三月乙丑朔日有食之是春上總飢下總旱蝗飢饉石見疫賑給之夏四月甲午朔天皇幸東大寺北面對盧舍那佛像皇后皇太子侍焉群臣百寮士庶列次殿後敕遣左大臣橘諸兄告佛以隆興出黃金又宣詔布告王親百官萬民二日乙未大赦天下五日戊戌遣民部卿紀麻呂等於伊勢奉幣帛於大神宮十四日丁未幸東大寺御盧舍那佛前殿詔授左大臣從一位橘諸兄正一位大納言藤原豐成拜右大臣是日改元天



平感寶五月二十七日庚寅給穀糶寡孤獨篤癯人  
五斗表旌孝子順孫義夫節婦授力田無位者位一  
階免天下今年田租陸奧三年調庸閏月九日壬寅  
度一千人於宮中十日癸未詔曰朕以寡薄恭養寶  
祚恒恐累二儀之覆載虧凡庶之瞻依徒積憂勞政  
事如闕神之貽咎實由朕躬比者時屬炎蒸寢膳乖  
豫百寮惶恐左右勤劬今欲克順天心消除災氣乃  
求改往之術深謝在予之德宜流渙汗之恩施蕩滌  
之政可大赦天下但殺父母及毀佛尊像者不在此  
例二十三日丙辰天皇遷御藥師寺秋七月二日甲

午讓位於皇太子天皇篤崇佛法敬信僧行基等自  
稱三寶奴又稱沙彌勝滿天平勝寶六年四月辛東  
大寺登壇從唐僧鑑真受菩薩戒皇后及孝謙帝並  
受戒焉天平勝寶以下日本高僧傳要記歷代皇紀  
編年記○高僧傳載天平十三年二月十四  
日詔曰菩薩戒弟子沙彌勝滿今魏之元亨釋書曰  
天平二十一年正月帝於平城中島宮屈行基受菩  
薩戒而以從鑑真受戒係八歲五月三日乙卯崩于  
寢殿年五十六葬于佐保山陵延喜式曰佐  
保山南陵葬儀用  
師子座香天子座金輪幢大小寶幢香幢花繖蓋繖  
等一如奉佛掌巡幸京師道經圖圀聞悲痛聲心甚  
慙惻遣使覆審其輕重降恩悉免死罪已下竝賜衣



取令其自新天皇出家歸佛故不奉謚水鏡曰天皇  
管鈔要記曰天皇出家今考本書孝謙禪位落髮愚  
出家之文而無落髮之事未知水鏡何據有至天平  
寶字二年追尊曰勝寶感神聖武皇帝謚天璽國押  
開豐櫻彥尊

天保九戊戌年秋九月晦日謹書焉之

中村萬喜直道

大日本史卷十六終

大日本史卷十七

本紀第十七

權中納言從三位源光圀修  
男權中納言從三位網條校

稱德孝謙天皇前紀

寶字稱德孝謙皇帝諱阿倍聖武帝之女也母皇后  
藤原氏以養老二年生焉為內親王封一千戶封以下  
廢帝紀天平十年正月立為皇太子受學於吉備真備  
受學以下天平神護元年宣命十五年五月五日聖武帝宴群臣  
於禁內天皇親舞五節元正上皇作歌褒之天平感



寶元年七月二日甲午受禪即天皇位於大極殿尊

聖武帝曰太上天皇尊以下水鏡皇后曰皇太后皇

太夫人曰太皇太后本書無尊為皇太后太皇太后

后太皇太后蓋上尊號橋諸兄為左大臣藤原豐成

應在此時故書於此為右大臣如故橋補以下公是日改元天平勝寶

天平勝寶元年己丑秋八月十日辛未以大納言藤

原仲麻呂兼紫微令中衛大將中衛大將據本書寶

有年無月今從補任二十一日壬午大隅薩摩隼人貢調九月

六日丁酉以小宅女王為伊勢齋王六日以下一代

歲閏五月書曰伊勢齋王為遭二親喪自七日戊戌

始置紫微中臺冬十月九日庚午行幸河內智識寺

十四日乙亥幸石川所過百姓賜綿免逋負從官賜

綿有差十五日丙子還大郡宮十一月二十五日乙

卯大嘗於南藥園新宮十二月十八日戊寅遷宇佐

八幡神於梨原新殿使僧悔過七日二十七日丁亥

天皇從太上天皇皇太后幸東大寺集僧五千禮佛

讀經奏舞樂施東大寺封四千戶奴婢各百人

二年庚寅春正月庚寅朔御大安殿受朝車駕還大

郡宮二月九日戊辰移御藥師寺宮十六日乙亥幸

春日酒殿二十二日辛巳天皇從上皇皇太后幸東



大寺益封為五千戶本書孝謙紀無此文按廢帝紀寶字四年七月敕曰東大寺封五千戶者平城宮御宇後太上天皇皇帝皇太后以去天平勝寶二年二月二十二日專自參向東大寺永用件封入寺家訖東大寺所藏當時敕書亦與之符合然本書載去年施封四千戶知今益一千戶并前為五三月十日戊戌駿河國守猶原東人獲黃金獻之夏四月四日辛酉敕項有所思持藥師經行道懺悔冀施恩恕兼欲濟人盡洗瑕穢更令自新可大赦天下免四畿內今年調五月八日乙未召一百僧於中宮安殿講仁王經令京畿七道講說二十四日辛亥震中山寺塔京師雨水六月七日癸亥備前飢賑給之秋七月十八日甲辰攝津參河女子一產三

子並賜正稅乳母九月二十四日己酉以從四位下藤原清河為遣唐大使從五位下大伴古麻呂為副是歲創西大寺是歲以下要記歷代皇紀三年辛卯春正月十四日戊戌幸東大寺夏四月四日丙辰遣參議石川年足於伊勢奉幣帛於大神宮又遣使奉幣天下諸社以祈上皇不豫遣唐使平安秋八月辛亥朔日有食之冬十月二十三日壬申以上皇不豫大赦天下十一月七日丙戌以從四位上吉備真備為遣唐副使按去年九月以大伴古麻呂為副使至此又以真備為副使其故十日己丑敕免天平勝寶元年已前公私負未詳



租是歲始置常樂會

要記按年中行事興福寺常樂會係二月十五日而不書其原

始蓋於此

四年壬辰春正月己卯朔太宰府獻白龜三日辛巳  
敕禁天下今年殺生緣海漁者失業不得生存者日  
給粟人二升賑恤鰥寡孤獨貧窮老疾不能自存者  
十一日己丑地動以上皇不豫度僧尼一千二十五  
日癸卯以正七位下山口人麻呂為遣新羅使夏四  
月九日乙酉幸東大寺慶盧舍那佛大像百官儀衛  
一同元會召僧一萬設齋會奏舞樂法會之盛前此  
未有比也是夕還御大納言藤原仲麻呂田村第六

月十四日己丑新羅王子金恭廉入朝奉貢秋七月  
二十日甲子下總女子一產四子賜穀及乳母八月  
十七日庚寅捕京師巫覡十七人處流冬十月甲戌  
地震二日乙亥又震十一月三日乙巳復置佐渡國  
十二月己酉朔日有食之

五年癸巳春正月癸卯朔廢朝二月九日辛巳以從  
五位下小野田守為遣新羅大使按本書四年正月  
遣新羅使至是以田守為新羅使蓋以新羅王子  
來朝故罷前所命而更命之乎又按本書此後不書  
田守還而明年書為太宰少貳據寶字四年九月癸  
卯條此時新羅失禮故田守不行使事而遷然不書  
其還蓋三月二十九日庚午設百高座於東大寺講  
闕文也



仁王經飄風歛起不能畢講夏四月九日庚辰再講  
飄風又發十五日丙戌以皇太后不豫大赦天下五  
月二十五日乙丑渤海使來貢秋九月五日壬寅攝  
津大風海溢壞廬舍民多漂沒賑恤之冬十一月二  
日己亥尾張獻白龜十二月十一日丁丑免攝津遭  
水諸郡今年田租十三日己卯以西海道秋稼多損  
免今年田租

六年甲午春正月丁酉朔上野獻白鳥五日辛丑幸  
東大寺然燈二萬教曰初元啓曆獻歲登春天地行  
仁勳植霑惠古昔明主應此良辰必布時和廣施慈

令朕雖薄德何不由茲可大赦天下十六日壬子大  
伴古麻呂還自唐二月二十日丙戌敕太宰府天平  
七年故大貳小野老遣高橋牛養於南島樹牌而經  
年朽壞今宜依舊修樹每牌顯表島名泊船并有水  
之處及去就行程令漂著之舩知所歸向三月十日  
丙午遣使奉唐信物於山科陵夏四月辛東大寺受  
菩薩戒夏以下日本高僧傳要秋七月十三日丙午  
詔以太皇太后病篤大赦天下度僧尼一百七人十  
九日壬子太皇太后藤原氏崩八月四日丁卯葬太  
皇太后冬十月十四日乙亥敕官人百姓不畏憲法



私聚徒衆任意雙六至於淫迷子無順父終亡家業  
宜令京畿七道禁斷之十八日己卯置射田於畿內  
七道閏月二十日辛亥令太宰府鎮祭管內山崩十  
一月辛酉朔遣巡察使於諸道以從四位上池田王  
爲畿內使從五位下紀小楠東海道石川豐成東山  
道藤原武良志北陸道從五位上大伴家持山陰道  
從五位下阿倍毛人山陽道多治比木人南海道從  
四位上紀飯麻呂西海道八日戊辰敕爲禱上皇皇  
太后勤居使四十九僧供養藥師佛大赦天下二十  
四日甲申藥師寺僧行信八幡主神太神多麻呂等

同心厭魅詔流行信於下野藥師寺二十七日丁亥  
流大神杜女於日向多麻呂於多禰島是歲畿內諸  
國一十風水賑恤之

七歲乙未春正月辛酉朔以諒闇廢朝四日甲子敕  
改年爲歲三月二十八日丁亥以八幡大神託宣收  
封戶位田唯留常神田夏六月十五日癸卯安藝獻  
白鳥冬十月二十一日丙午上皇不豫敕大赦天下  
存恤鰥寡惻獨貧窮老疾者始自今日至十二月晦  
禁殺生遣使山科大內等山陵奉幣祈請十一月二  
日丁巳遣使伊勢奉幣帛於大神宮



八歲丙申春二月二日丙戌左大臣攝諸兄致仕二  
十四日戊申行幸難波二十五日己酉車駕過智識  
山下等七寺禮佛二十六日庚戌遣內舍人於六寺  
誦經二十八日壬子行至難波新宮三月甲寅朔太  
上天皇幸堀江二日乙卯詔免河內攝津田租五日  
戊午遣使攝津諸寺誦經夏四月十四日丁酉敕曰  
頃者太上天皇聖體不豫漸延旬日猶未平彼如聞  
銷災致福莫如仁風救病延年實資德政可大赦天  
下鰥寡孤獨貧窮老疾者量加賑恤十七日庚子車  
駕還宮二十二日乙巳遣使伊勢奉幣帛於大神宮

二十九日壬子遣醫師禪師宮人各一人於左右京  
四畿內救療疹疾者遣使奉幣帛於八幡大神宮五  
月三日乙卯遣使伊勢奉幣帛於大神宮免天下今  
年田租是日太上天皇崩遺詔以中務卿道祖王爲  
皇太子七日己未文武百官素服舉哀二十日壬申  
葬聖武天皇二十四日丙子以僧法榮侍聖武帝醫  
藥有勞復其所生本郡二十五日丁丑敕爲侍先帝  
病所召禪師一百二十六人宜免當戶課役六月八  
日庚寅詔曰居喪之禮臣子猶一天下之民誰不行  
孝宜告天下始自今日至來年五月三十日禁斷殺



生十日壬辰詔曰頃者分遣使工檢催諸國佛像兼  
造殿塔宜會來年忌日然佛法以慈為先不應因此  
辛苦百姓國司使有稱朕意特加褒賞二十二日甲  
辰始築怡土城敕六道諸國造東大寺大佛殿步廊  
秋八月四日乙酉施近江國朝書法一百卷於崇福  
寺冬十月辛巳朔日有食之十六日丙申白氣貫日  
十一月十七日丁卯以諒闇廢新嘗本書註曰檢神  
祇官記是年於  
神祇官曹十二月庚辰朔自去月雷六日五日甲申  
本行新嘗本書甲下有寅字  
衍今推干支削之聚一百僧於東大寺轉讀仁王經  
十六日乙未先是敕京師孤兒給衣糧養之至是有

九男一女賜姓編戶己酉晦敕分遣皇太子及右大  
臣藤原豐成大納言藤原仲麻呂等十一人於東大  
寺大安寺外島坊藥師寺元興寺山階寺講梵綱經  
以薦聖武帝冥福

天平寶字元年丁酉春正月庚戌朔以諒闇廢朝敕  
度八百人六日乙卯前左大臣橘諸兄薨三月二十  
日戊辰寢殿兼塵自有文生曰天下太平要記皇紀  
係天平勝  
年二二十二日庚午敕召親王及群臣視瑞字二十  
九日丁丑廢皇太子夏四月四日辛巳立大炊王為  
皇太子詔曰國以君為主以儲為固是以先帝遺詔



立道祖王爲皇太子而諒闇未終陵土未乾私通侍  
童無恭先帝居喪之禮不合法度機密之事皆漏民  
間雖屢教敕無悛心好用婦言稍多狼戾潛出東宮  
夜獨歸舍云臣爲人拙愚不堪兼重故朕廢之立大  
炊王躬自乞三寶禱神明政之善惡願示徵驗於是  
朕所居兼塵現天下太平之字斯乃上天所佑神明  
所標覽古檢往所未見聞方知佛法僧寶先記國家  
太平天地諸神豫示宗社永固戴此休符誠嘉誠躍  
其不孝之子慈父難矜無禮之臣聖主猶弃宜從天  
廢却還本色亦由王公等盡忠匡弼感此奇瑞豈朕

一人所應能致宜與王公士庶共奉天貺洗滌舊瑕  
遍蒙新福可大赦天下其天下百姓成童入輕徭弱  
冠當正役愍其勞苦用軫于懷自今以後以十八爲  
中男二十二以上爲正丁古者治國安民必以孝理  
百行之本莫先於茲宜令天下家藏孝經一本精勤  
誦習百姓有孝行著聞者所由長官錄名薦之其有  
不孝不恭不友不順者配陸奧桃生出羽小勝以清  
風俗亦擇邊防又有高卧潁川遁跡箕山者宜爲朕  
代之巢許以禮巡問放令養性天下鰥寡孤獨篤癯  
廢疾者量加賑恤高麗百濟新羅人慕化來附志願



給姓者聽之於是百官上表以賀瑞字五月五日辛  
亥以改修大宮遷御田村宮二十一日丁卯始置紫  
微內相以大納言藤原仲麻呂爲之敕有司施行藤  
原不比等所刊修律令六月十九日乙未制伊弉幣  
帛使自今以後差中臣朝臣勿用他姓人秋七月四  
日庚戌左大辨橘奈良麻呂私謀廢立事覺下獄捕  
其黨黃文王道祖王安宿王大伴古麻呂小野東人  
大伴古慈斐等鞠問處罪八日甲寅敕曰比者頑奴  
潛圖反逆皇天不遠羅令伏誅民間或有假託亡魂  
浮言紛紛擾亂鄉邑者不論輕重皆與同罪普告遐

邇宜絕妖源又敕曰逆人黨與京畿限十日遠處三  
十日自首者赦之被人告者必科本罪十二日戊午  
貶右大臣藤原豐成爲太宰員外帥徙爲黃文王等  
所誑誤百姓於出羽柵戶二十四日庚午設齋宮中  
講仁王經八月十三日己丑駿河益頭郡人獻蠶成  
字十八日甲午敕曰朕以寡薄忝繼洪基君臨八方  
于茲九載曾無善政日夜憂思危若臨淵慎如履冰  
去三月二十日皇天賜我以天下太平四字表區宇  
之安寧示歷數之永固然賊臣廢太子道祖及安宿  
黃文橘奈良麻呂等稟性兇頑昏心轉虐不顧君臣



之道不畏幽顯之齋潛結逆徒謀頌宗社悉受天責  
咸伏罪釁是以二叔流言遂輟蕭牆四凶群類遠放  
邊裔京師清肅已無癡民朝堂寥廓更有贊輔竊恐  
德非虞舜運屬時艱武慙殷湯任當撥亂晝思夜想  
廢寢與食爰得駿河益頭郡人金刺舍人麻自獻蠶  
成字其文曰五月八日閑下帝釋標知天王命百年  
即下群臣議奏俛五月八日是陛下爲太上天皇周  
設齋悔過之終日也於是帝釋感誠下鑑勝業標陛  
下之御宇授百年之遠期仁化滂流寓內安息慈風  
遠洽國家全年之驗也謹案蠶之爲物虎文而有時

蛻馬吻而不相爭生長室中衣被天下故使神蟲作  
字用表神異自天祐之吉无不利豈朕力之所致是  
賢佐之成切宜與王公共辱斯旣思俾惠澤被於天  
下其改天平勝寶九歲爲天平寶字元年免天下田  
租之半本郡百姓給復一年二十三日己亥敕曰安  
上治民莫善於禮移風易俗莫善於樂禮樂所興唯  
在二寮門徒所苦但衣與食又天文陰陽曆算醫針  
等學國家所要並宜置公廩田供給諸生其大學寮  
三十町雅樂寮陰陽寮典藥寮各十町內藥司八町  
二十五日辛丑敕曰治國大綱在文與武廢一不可



言著前經向來放赦爲勸文才隨職閑要量置公田  
但至武備未有處分故今六衛置射騎田每年季冬  
宜試優劣以給超群令興武藝冬十月六日庚戌敕  
曰如聞諸國庸調脚夫事畢歸鄉路遠糧絕又行旅  
病人辛苦橫斃朕念乎此深增閔矜宜命官司量給  
糧食醫藥若有怠緩不行者科違赦罪十一月九日  
癸未敕曰如聞頃年諸國博士醫師多非其才請託  
得選非唯損政亦無益民自今以後不得更然經生  
順講三經傳生三史醫生太素甲乙脉經本草針生  
素問針經明堂脉訣天文生天官書漢晉天文志三

須

色簿譜輯楊要集陰陽生周易新撰陰陽書黃帝金  
匱五行大義曆算生漢晉律曆志大衍曆議九章六  
章周髀定天論任用之後一年之祿必致受業之師  
如此則尊師之道終行教資之業永繼國家良政莫  
要於此宜告所司令早施行十二月八日辛亥施越  
前墾田一百町於山階寺施藥院救養疾病貧乏之  
徒九日子子太政官議定乙巳壬申叨臣大寶養老  
修撰律令及告密上變者叨田  
二年戊戌春正月五日戊寅詔曰朕以庸虛忝兼大  
位毋臨區宇子育黎元思與賢良共清風化長固寶



曆久安兆民豈意狼戾近臣潛懷不軌同惡相濟終  
起亂階賴宗社威靈遽從殲殄而逆人親黨懷憂不  
安雖犯深愆尚加微貶使其坦然無懼息反側之心  
如聞百僚在位仍有憂惶宜悉朕懷不勞疑慮昔者  
張敞負釁更致朱軒安國免徒重紆青組成能洗心  
勵節輸欵盡忠事美一時譽流千載今之志士豈謝  
前賢改滌過咎勉已自新方冀瑕不掩德要待良治  
用彜棄材以成大廈凡百列位宜鑑斯言夙夜無怠  
務修爾職又詔曰朕聞法天施化聖主遺章須月宜  
風先玉嘉令故能二儀無舛四時和協休氣布於率

土仁壽致於群生今者三陽既建萬物初萌和景惟  
新人宜納慶是以分使八道巡問民苦務恤貧病矜  
救飢寒所冀家無寒窶之憂國有來藎之樂宜差清  
平之使勉加賑恤稱朕心焉於是從五位下石川  
豐成爲京畿內使正六位下藤原淨辨東海東山道  
使正六位上紀廣純北陸道使大伴潔足山陰道使  
藤原藏下麻呂山陽道使從六位下阿倍廣人南海  
道使正六位上藤原楓麻呂西海道使二月二十日  
壬戌詔曰隨時立制有國通規議代行權昔王彛訓  
頃者民間宴集動有違慝或同惡相聚濫誅聖化或



醉亂無節便致鬪爭自今以後王公已下供祭療病  
之外不得飲酒其朋友親戚欲相訪者先告官司然  
後集會如有犯者五位已上停一年祿六位已下解  
見任已外決杖八十冀淳風俗能成人善習禮於未  
識防亂於未然二十七日己巳大和神山生奇藤蠹  
成字三月十日辛巳詔曰朕聞孝子思親終身罔極  
言編竹帛千古不刊天平勝寶八歲五月先帝登遐  
朕自遇凶憫難懷感傷為禮所防俯從吉事但每臨  
端五風樹驚心設席行觴所不忍為自今以後率土  
公私一准重陽永停此節秋七月三日癸酉勅以民

年六十為老丁六十五為耆老四日甲戌以皇太后  
不豫禁天下今年殺生八月庚子朔讓位於皇太子  
稱天皇曰高野天皇群臣上尊號曰上臺寶字稱德  
孝謙皇帝



天保九戊戌年冬十月十八日謹書寫之

中村萬喜直道

大日本史卷十八

本紀第十八

權中納言從三位源光圀修  
男權中納言從三位綱條校

廢帝

廢帝諱大炊崇道盡敬皇帝第七子也

第一代要記作  
第二子誤

母夫人當麻氏列諸王天平密字元年三月皇太子

廢四月高野帝召群臣議皇嗣右大臣藤原豐成中

務卿藤原永手等推鹽燒玉攝津大夫文室珍努左

大辨大伴古麻呂等推池田王大納言藤原仲麻呂



言知臣莫若君知子莫若父唯天意所擇高野帝曰  
宗室之長唯舍人新田部二親王故立道祖王爲皇  
太子而不順教誠遂縱淫行是以廢之今宜擇舍人  
親王子然躬王惟簿不修池田王孝行有闕鹽燒王  
先帝嘗責其無禮唯大炊王雖未長壯不聞過惡立  
之如何僉曰唯敕是聽於是遣內舍人藤原薩雄率  
中衛二十人迎天皇於田村第立爲皇太子時年二  
十五

天平宝字二年戊戌八月庚子朔皇太子受禪即天  
皇位於大極殿要記曰十八日即位誤又曰都于  
平城耳極宮本書無所見故不書百

官及僧綱詣朝堂上表上尊號於高野帝曰上臺寶  
字稱德孝謙皇帝尊皇太后曰中臺天平應真仁正  
皇太后高野帝詔曰朕覽卿等所請鴻業良峻祇畏  
允淑忝以寡薄何當休名而上天降祐帳字閑平原  
地薦祥蠶文表德天意難違俯從衆願又見上皇太  
后尊號感喜交懷震興忘倦仕公卿之所表從蕃緇  
之所乞受此惟新之號何無洗奮之令宜改百官之  
名載施寬大之澤其天下見禁囚徒罪無輕重咸從  
赦免藤原仲麻呂爲紫微內相如故藤原以下  
公卿補任九日  
戊申敕曰子尊其考禮家所稱策書鴻名古人所貴



昔者先帝敬發洪誓造廬舍那金銅火像若有朕世  
不得畢巧願於來世改身猶作既而鎔銅已成塗金  
不足天感至心之信終出勝寶之金於是國家初有  
奇珍闕闕已來未聞若斯至若賊臣懷惡謀危社稷  
而畏威武咸自馴服可謂聖武之德比古有餘其不  
奉揚洪業何以示後世敬依舊典追上尊號策稱勝  
宙感神聖武皇帝謚稱天璽國押闕豐櫻彥尊欲使  
傳休名於萬代揚茂實於千秋普告遐邇知朕意焉  
追尊日並知皇子命稱岡宮御宇天皇十八日丁巳  
敕以明年運當三合使文武百官天下百姓老幼念

誦摩訶般若波羅蜜十九日戊午遣從三位池田王

於大神宮告定齋王

本書不載其名按要記是月以山於女王爲齋王

又遣

使奉幣大神宮及諸國神社告即位二十五日甲子  
敕紫微內相藤原仲麻呂中納言石川年足等改易  
官制改太政官爲乾政官太政大臣曰太師左大臣  
曰太傅右大臣曰太保大納言曰御史大夫紫微中  
臺爲坤官宮中衛大將曰大尉其餘在百官志是日  
以仲麻呂爲太保加賜姓惠美改名押勝九月十八  
日丁亥小野田守至自渤海本書不書田守使于渤海蓋闕文冬十  
月二十五日甲子敕曰吏者民之本也數遷易則民



不安居久積習則民知所從是以服其德而從其化  
安其業而信其令項年國司交替皆以四年爲限適  
足勞民未可以化孔子曰如有用我三年有成夫以  
大聖之德猶待三年而況中人乎古者三載考績三  
考黜陟所以表善簡惡盡臣力者也自今以後宜以  
六歲爲限省送故迎新之費其每至三年遣巡察使  
推檢政違慰問民憂待滿兩迴隨狀黜陟庶令移易  
貪俗悉變清風黎元息肩倉廩有實十一月二十三  
日辛卯御乾政官院大常十二月十日戊申遣渤海  
使小野田守奏安祿山反唐室大亂因敕太宰府曰

安祿山者是狂胡狡豎也違天起逆事必不利疑不  
能圖西還更掠海東古曰蜂蠆猶毒何況人乎其府  
帥舩王大貳吉備真備俱是碩學名顯當世簡在朕  
心委以重任宜知此狀預設奇謀縱使不來儲備無  
悔

三年己亥春正月三日庚午渤海來貢

本書書高麗

既滅渤海有其地本書舉其舊號迭書渤海高麗今一書渤海以見其實下倣之

此時高麗

以雨停節宴三月丁卯朔日有食之夏五月九日甲  
戌太上天皇勅曰按本書書上尊號於高野帝而不  
命有我皇聖太上天皇之朕以榮昧欽羨聖烈毋臨  
文故今據之書太上天皇朕以榮昧欽羨聖烈毋臨



六合子育兆民見一物之或違恨堯心之未洽聞萬  
方之有罪思湯責而多愧而今大亂已平逆臣遠竄  
然猶天災屢見水異頻臻竊恐聽易隔於黎元人念  
冤枉鑿難周於宇宙家懷鬱憂庶欲博採嘉言旁詢  
妙略憑衆智而益國據群明以利人宜令百官五位  
已上緇徒師位已上悉書意見密封奉表直言正對  
勿有隱諱朕與宰相審簡可否不須詐稱聖德苟媚  
取容面弗肯陳退遺後毀普告遐邇知朕意焉六月  
二日丙申以僧普照奏教植菓樹於路傍令行旅就  
陰啖實二日以下水鏡按元亨釋十六日庚戌詔追

書係去年六月今從水鏡

尊皇考曰崇道盡敬皇帝尊皇妣當麻夫人曰大夫  
人兄弟姊妹爲親王十八日壬子以將伐新羅敕太  
宰府造行軍式二十二日丙辰敕如聞治國之要莫  
若簡人簡人任能民安國富竊見內外官人景迹曾  
無廉耻志在貪盜是宰相訓導之急非爲人皆稟愚  
性宜加誘誨各立令名其維城典訓叙爲政之規模  
著修身之檢括律令格式錄當今之要務具庶官之  
紀綱並是窮安上治民之道盡濟世弼化之宜其不  
濫殺生能矜貧苦爲仁斷諸邪惡修諸善行爲義事  
上盡忠撫下有慈爲禮遍知庶事斷決是非爲智與



物不妄觸事皆正爲信非分希福不義欲物爲貪心  
無辨了強逼惱人爲嗔事不合理好是自愚爲癡不  
愛已妻喜犯他女爲嫉人所不與公取竊取爲盜父  
兄不識何以導子弟官吏不行何以教士民若有修  
仁義禮智信之善戒貪嗔癡淫盜之惡兼讀前二色  
書舉而察之隨品昇進自今以後除此色外不得任  
用史生已上庶令懲惡勸善重名輕物是日百官及  
師位僧等各上封事以陳得失二十三日丁巳敕諸  
國置放生池嚴禁捕漁二十三日以下三代實錄陽成紀秋八月六  
日巳亥遣太宰帥船親王于香椎廟告伐新羅二十

九日壬戌太宰府大風九月十九日壬午爲征新羅  
敕諸國造戰艦五百艘冬十月京畿大風壞廬舍十  
一月二日甲子免遭風者今年田租九日辛未敕坂  
東八國曰陸奧若有急求援每國差發兵二千擇精  
幹國司一人統領速赴頒國分二寺圖於天下十六  
日戊寅造保良宮十二月二日甲午置授刀衛  
四年庚子春正月二日甲子幸太保藤原惠美押勝  
第四日丙寅從太上天皇御內安殿以太保押勝爲  
太師五日丁卯渤海來貢天皇從太上天皇幸押勝  
第二十一日癸未遣巡察使七道文部少輔藤原楓



麻呂於東海道仁部少輔石川公成東山道河內少  
掾石上與繼北陸道尾張介淡海三舩山陰道右少  
辨布勢人主山陽道典藥頭馬夷麻呂南海道武部  
少輔紀牛養西海道本書在丙寅上  
今推甲子叙之二月二十九日  
庚申設仁王會於宮中及東大寺三月十六日丁丑  
敕鑄新錢金錢銀錢並行夏閏四月二十三日壬午  
轉讀大般若經於宮中五月十八日丁未誦經於京  
師六大寺十九日戊申敕如聞頃者疾疫流行黎元  
飢苦天下高年鰥寡孤獨廢疾及罹疫者當遣巡察  
使宜與國司親問患苦賑給六月七日乙丑天平應

真仁正皇太后崩癸卯

今推干支是月己未  
朔無癸卯疑有錯誤

葬皇太

后秋七月戊子朔日有食之八月十八日乙亥徙御  
小治田宮使輸天下今年調庸於新京九月十六日  
癸卯新羅朝貢以其失禮却之冬十一月六日壬辰  
日南至敕曰先歲逆徒家掛羅網今年巡察人畏憲  
章古人有言盜窺財主有自來焉撫躬自訟責歸元  
首靜言興念憂心如灼書不云乎德惟善政政在養  
民今陽氣初萌日南既至地維育物天道更生宜兼  
地施仁順天降惠俾茲黔庶與時競新其赦天下十  
二月十二日戊辰敕太皇太后皇太后墓並稱山陵



置國忌是歲上野饑伊勢近江美濃若狹伯耆石見  
播磨備中備後安藝周防紀伊淡路讚岐伊豫志摩  
疫賑給之

五年辛丑春正月丁亥朔以新宮未成廢朝七日癸  
巳詔依太史局奏暫遷小治田園本宮十一日丁酉  
還自小治田宮御武部曹司二月二十四日巳酉流  
弟原王於多禰島夏六月十七日庚午賞大和从日  
置真卯廉勳賜栢一十束秋七月癸未朔日有食之  
二日甲申以巡察使奏令筑紫七國造甲刀弓箭以  
爲警備十九日辛丑遠江荒玉河堤決修築之八月

癸丑朔敕曰頃見七道巡察使奏狀曾無一國守領  
政合公平貪濁人多清白吏少朕聞授非賢哲萬事  
咸邪任得其才千務悉理止如國司一色親管百姓  
弊導風俗字撫黎民特須精簡必稱其職其居家無  
孝在國無忠見利行非臨財忘耻上交違禮下接多  
諂施政不仁爲民苦酷差遣邊要詐稱病重任使熱  
官競欲自拜匪聞教義靡率典章措意屬心唯利是  
視巧弄憲法漸汚皇化如此之流傷風亂俗雖有周  
公之才朕不足觀也宜還却田園令勤耕作若有悔  
過自新必加褒賞迷塗不返永須耿默普告遐邇教



諭衆庶十二日甲子從太上天皇幸藥師寺禮佛還  
幸授刀督藤原御楯第宴飲冬十月十三日甲子行  
幸保良宮十九日庚午幸近江按察使藤原御楯第  
遂幸太師藤原惠美押勝第宴飲二十二日癸酉以  
右虎賁衛督仲石津爲遣唐大使上總守石上宅嗣  
爲副使武藏入高麗大山爲遣渤海使二十八日巳  
卯詔爲修平城宮暫御近江保良宮其免近江及左  
右京大和和泉山背今年田租曲赦近江十一月十  
七日丁酉以從四位下藤原惠美朝獵爲東海道節  
度使從三位百濟王敬福南海道使正四位下吉備

真備西海道使點舩三百九十四艘兵四萬七百皆

免三年田租習騎射陣法兼造兵器是歲五穀不稔

據寶字七年詔敕築戒壇于下野藥師寺筑紫觀世音寺以

下元亨釋書帝王編年記

六年壬寅春正月庚辰朔以宮室未成廢朝二日辛

巳日有食之二十八日丁未命太宰府造綿襖曹二

萬二百五十具二月六日乙卯造綿甲曹一千領充

鎮國衛府夏四月八日丁巳修河內狹山池堤五月

九日丁亥美濃飛驒信濃地震賜遭災者穀家二斛

二十三日辛丑車駕還平城宮御中宮院上皇御法



華寺先是僧道鏡侍上皇甚被寵幸天皇常以為言  
故與上皇不相得先是以下六月三日庚戌上皇召  
五位以上於朝堂宣詔國家大事賞罰二柄朕親決  
之其餘小事天皇行之二十一日戊辰修河內長瀨  
隄八月一日丁巳令左右京尹藤原惠美訓儒麻呂  
文部大輔中臣淨麻呂等侍中宮院傳宣敕旨冬十  
月丙午朔伊吉益麻呂等至自渤海按本書大使高麗大山舟中罹疾而卒故副使益麻呂奉使而還十一月三日丁丑遣御史大夫文  
室淨三等奉幣大神宮十六日庚寅遣參議藤原巨  
勢麻呂等奉幣香椎廟以告為征新羅調習軍旅二

十六日庚子奉幣及弓矢於天下神祇是歲參河尾  
張遠江下總美濃能登備中備後讚岐早京畿及遠  
江尾張伊勢近江美濃若狹越前石見備前畿陸奥  
疫賑給之

七年癸卯春正月三日丙午渤海來貢十五日戊午  
詔曰如聞去天平寶字五年五穀不登飢斃者衆宜  
其五年以前公私運負咸從原免十七日庚申渤海  
使奏唐室之亂未息敕太宰府曰唐國喪亂兩家爭  
雄平殄未期使命難通唐人沉惟岳等宜安置優給  
懷土願歸者給舩發遣二十一日甲子內射二月十



日癸未新羅貢調却之夏四月甲戌朔京師米貴糶  
左右京穀以平穀價五月二十八日庚午以旱奉幣  
帛于四畿內諸神秋八月辛未朔敕曰如聞去歲霖  
雨按本書去年書旱不今年亢旱五穀不熟米價踊  
貴百姓飢饉疾疫死亡朕每念茲情深傷惻宜免京  
畿七道諸國今年田租十八日戊子山陽南海等道  
諸國旱因停雨道節度使廢儀鳳曆行大衍曆九月  
庚子朔敕曰疫死多數水旱不時神火屢起徒損官  
物此國郡司等妄神不恭之咎也又一旬亢旱致焦  
枯之憂數日霖雨抱浸淫之嗟此國郡司等使民失

時不修隄堰之過也自今以後有若是者自目已上  
宜悉遷替不須久居勞擾百姓更簡良材可速登用  
使拙者歸田賢者在官各修其職無爲民憂四日癸  
卯以僧道鏡爲少僧都冬十月四日癸酉行幸山背  
是歲出羽信濃陸奧河內尾張越前能登大和美濃  
備前阿波近江備中備後丹波伊豫丹後讚岐淡路  
攝津播磨饑壹岐伊賀攝津山背疫賑給之尾張美  
濃但馬伯耆石見出雲年穀不登遣使覆損

八年甲辰春三月十九日丙辰以淡路連旱給種子  
二十二日己未敕曰周急之言義著曩聖救飢之惠



道茂先修頃年水旱民稍饑乏東西市頭乞生者衆  
念斯失所情軫納隍而聞<sup>政</sup>紀取<sup>取</sup>臺少疏正八位上土  
師島村出已蓋糧資養窮斃者十餘人其所行雖小  
有義可褒仍授位一階自今已後有如此者所司檢  
察錄實告官是春播磨備前備中備後石見攝津出  
雲飢志摩疫賑給之夏四月十六日癸未以旱遣使  
奉幣帛於畿內神社是夏美作阿波讚岐伊豫飢淡  
路疫賑恤之秋七月十七日壬子罷東海道節度使  
八月三日戊辰節部省倉災十四日己卯遣使大和  
河內山背近江丹波播磨讚岐作池九月二日丙申

以太師藤原惠美押勝爲都督使四畿內三關近江  
丹波播磨等國習兵事十一日乙巳押勝謀反奔近  
江立氷上鹽燒稱帝敕從五位下藤原藏下麻呂將  
兵討之是日以參議吉備真備兼中衛大將<sub>是日以</sub>  
<sub>書寶龜六年十月之文但</sub>十三日丁未遣使奉幣大  
<sub>有年無月日今從補任</sub>神宮十四日戊申以大宰員外師藤原豐成爲右  
大臣十八日壬子押勝鹽燒伏誅餘黨悉平二十日  
甲寅太上天皇下詔以僧道鏡爲大臣禪師職分封  
戶一准大臣二十二日丙辰上皇敕押勝所改官名  
悉復其舊是秋石見疫多禰島飢賑贍之山陽南海



二道旱疫冬十月二日乙丑廢放鷹司置放生司九  
日壬申上皇遣兵部卿和氣王左兵衛督山村王外  
衛大將百濟王敬福等率兵數百圍中宮院廢天皇  
爲淡路公天皇惶遽不及衣履使者促之侍衛奔散  
僅與而三人步至圖書寮西北山村王宣詔曰頃歲  
觀帝之行不堪在位今聞與仲麻呂同心將圖朕躬  
竊發兵六十入關作亂故今廢爲親王賜爵淡路公  
詔畢天皇及所生當麻氏至小子門乘以驛馬使右  
兵衛督藤原藏下麻呂衛送配所幽之一院上皇重  
莅朝政明年二月敕淡路守佐伯助曰如聞配流彼

國罪人稍致逃亡事如有實何不早奏汝往監察須  
報動靜又宣詔曰廷臣或有通心淡路謀彼位者而  
彼爲人昏愚不善不足使治天下黨于逆賊殆覆國  
家豈可再使此人君臨四海宜杜絕姦謀遵守詔旨  
自是守衛益嚴十月二十二日庚辰天皇不勝憂憤  
踰垣逃佐伯助等率兵邀之明日崩於院中要記爲九月崩  
誤 宝龜三年八月光仁帝遣從五位下三方王等於  
淡路改葬設齋度僧永修功德九年三月勅墓稱山  
陵所生當麻氏墓稱御墓置守陵一户延喜式水鏡並曰廢帝陵  
在淡路  
三原郡



天保九戊戌年冬十月廿二日謹書寫之

中村萬喜直衛

大日本史卷十八終

大日本史卷十九

本紀第十九

權中納言從三位源光圀修  
男權中納言從三位綱條校

稱德孝謙天皇后紀

寶字稱德孝謙皇帝天平寶字六年與廢帝有隙遷  
居法華寺六月召五位已上於朝堂宣詔曰因宮天  
皇皇統將絕朕以女子奉皇太后命祇膺寶位行政  
日久立帝為嗣而帝不恭不順及成怨仇朕所不言  
以為言之朕所不行亦為行之如是之言非所宜聞



故朕今在別宮深自愧赧當發菩提心良緣在此是以出家成佛弟子但朝廷小事帝自行之國家大事賞罰二柄朕親決之凡百官司宜知此狀於是出家為尼政柄專歸天皇水鏡曰六月上皇為尼按本書八年九月宣余曰朕剃髮服佛袈裟一代要記歷代皇紀元亨釋書曰法名法基八年十月九日壬申遣兵圍中宮院廢帝為淡路公敕以淡路賜大炊親王官物調庸任其所用但出舉官猶一依常例又詔流舩親王於隱岐池田親王於土左自是天皇重臨萬機按水鏡以是日為即位而本書不書至明年十一月書曰先是廢帝既遷淡路天皇重臨萬機故今從之愚管鈔要紀帝王編年記並曰藤原豐成為右大臣明年正月朔即位亦無所據

公卿補任十一日甲戌敕禁天下諸國養鷹狗及鷄豕獵停御贄進肉魚又停中男作物用魚肉蒜等悉以他物易之但神戶不在此限十四日丁丑宣詔曰百官所司僉謂當立皇太子以定鴻基朕非不念之然衆之所推不必克終天所不與雖得必喪人不可得而授力不能得而競天之所授自有其人朕非叨貪天寶不敢定嗣天意所嚮久而當彰又敕曰衆欲援立以成已切竊議儲位通心合謀勸誘樹黨事不能成家門滅亡子孫永絕自今已後宜忠貞明白遵教奉養十六日己卯敕曰朕忝臨萬邦軫慮一物昧且思治



夕惕兢兢而賊臣仲麻呂昏凶狂悖作逆連亡天網  
高張咸伏誅戮朕念黎庶洗滌舊惡遷善自新宜大  
赦天下但仲麻呂黨與及常赦所不免者不在赦限  
又頃年水旱荐失豐稔民或飢乏軍役仍興宜免天  
下今年租二十一日甲申敕曰京師見禁囚徒大辟  
以下悉皆赦除但逆賊仲麻呂及淡路公船王池田  
王黨與不在赦限癸巳晦敕停定額及額外散位等  
輸績勞錢令東海東山諸國貢騎女十一月七日庚  
子祠高鴨神於葛上郡十二日乙巳罷西海道節度  
使二十日癸丑遣使奉幣近江名神社以賽討賊宿

統

禱十二月二十八日庚寅勅曰朕以寡德君臨萬民  
善化未宣刑辟猶衆宜大赦天下常赦所不原者不  
在赦限若入死者皆減一等是月西方有聲如雷大  
隅薩摩之界煙雲晦冥七日不晴海濱沙石聚成三  
島埋沒民屋是歲兵旱相仍米石千錢

天平神護元年乙巳春正月癸巳朔御西宮前殿受  
朝七日己亥詔曰朕以眇身忝養寶祚德化無聞茲  
回屢見疫癘荐臻頻年不稔傷物失所如納深隍賊  
臣仲麻呂外戚近臣先朝所用得堪委寄更不猜疑  
何期包藏禍害蠱毒流行天下犯怒人神怨氣感動



上玄幸賴神靈護國風雨助軍不盈旬日咸伏誅戮  
今元惡已除同歸遷善洗滌舊穢與物更新宜改天  
平寶字九年爲天平神護元年要記爲十七日改元誤又宣詔  
曰夫褒賞群臣各有其分或以平日勤勞或以軍旅  
功績而今進位授官有殊于常當治平之日誰不奉  
其職嚮者國家有事群臣竭力不惜軀命執心貞淨  
護衛朝廷宜錄其功以甄推獎自今而後黽勉靡懈  
教導庸劣益存勤恪於是進群臣位宴五位以上賜  
物有差八日庚子敕後官軍所經近江高島郡調庸  
二年滋賀淺井二郡一年並以沒官物量加賑恤二

月三日甲子改授刀衛爲近衛府始置內廐寮八日  
己巳以從三位藤原藏下麻呂爲近衛大將二十九  
日庚寅糶左右京粟於東西市斗百錢是月京師米  
貴令西海道諸國縱運私米三月二日癸巳敕比年  
遭旱歲穀不登朕甚愍之其去年不熟之國今年得  
稔須徵納之若有今年又不熟者至於秋時待敕處分  
其備前備中備後三國多年亢旱荒弊尤深因茲所  
負正稅不得進納天平寶字八年以前官稻未納咸  
悉免之四日乙未以參河下總常陸上野下野旱詔  
免今年調庸十之七八五日丙申敕禁天下人民恣



爲墾田又禁王臣私貯兵器其所有者皆令輸官夏  
四月十六日丁丑糶左右京穀一千石於東西市五  
月二十六日丙辰糶穀一千石於貧民六月十日庚  
午糶穀一千石鹽一百石於貧民秋七月十四日甲  
辰糶左右京穀三千三百石於諸司官人八月庚申  
朔參議兵部卿和氣王謀反伏誅參議式部大輔粟  
田道麻呂兵部大輔大津大浦式部員外少輔石川  
永年坐其黨遠竄九月八日丁酉更鑄新錢與舊錢  
並行二十一日庚戌以將幸紀伊遣使造行宮于大  
和河內和泉冬十月己未朔日有食之十三日辛未

行幸紀伊十八日丙子至玉津島十九日丁丑御南  
濱望海樓奏雅樂雜伎權置市鄺使從官及當國百  
姓爲交關二十三日辛巳淡路公薨於配所二十六  
日甲申車駕還至和泉深日行宮二十九日丁亥至  
河內弓削寺禮佛奏樂閏月二日庚寅以大臣禪師  
道鏡爲太政大臣禪師詔使文武百官拜賀之是日  
復幸弓削寺三日辛卯車駕還因幡宮十一月五日  
壬戌遣使修造天下神社十六日癸酉大嘗二十七  
日甲申右大臣藤原豐成薨是歲左右京和泉山背  
石見美作紀伊讚岐淡路壹岐相模下野伊豫隱岐



伯耆伊賀出雲上野尾張參河播磨河波美濃越中  
能登常陸武藏駿河丹波甲斐備後多禰島飢咸賑  
贍之又造西大寺鑄金銅四天王像要記造西大寺  
鏡○水鏡元亨釋書曰當鑄像時一像不成改鑄凡  
六終不得成於是天皇發誓以手攬鑄銅手不傷損  
而像得成妄誕不經  
本書所不載故不取

二年丙午春正月八日甲子詔以大納言藤原永手  
為右大臣十四日庚午禁西京畿內里中蹈歌十四日

下三夏四月二十二日丁未敕比日之間緣有所念  
代格歸依三寶行道懺悔泣罪解網先聖仁迹冀施恩恕  
盡洗瑕穢宜大赦天下但先後逆黨不在赦限二十

九日甲寅有一男子自稱聖武皇帝皇子石上志斐  
氏所生勸問無實詔配遠流五月十七日辛未奉幣  
帛於丹生川上及畿內群神祈雨六月三日丁亥日  
向大隅薩摩大風桑麻盡損詔免柵戶調庸五日己  
丑大隅神造新島震動不息民多流亡賑恤之十三  
日丁酉丹波人家部人足以私物資養飢民賜爵二  
級二十六日庚戌敕以左右京及大和額年不登免  
負租要記曰是月大豐然  
本書不載故不書秋七月二十三日丙子遣  
使造丈六佛像於伊勢太神寺九月五日戊午敕曰  
比見伊勢美濃等國奏為風被損官舍數多非唯毀



頽亦亡人命昔不問馬先達深仁今以傷人朕甚悽  
歎如聞國司等朝委未稱私利早著倉庫懸磬稻穀  
爛紅已忘暫勞永逸之心遂致雀鼠風雨之患良宰  
莅職豈如此乎自今以後永革斯弊宜令諸國具錄  
歲中修理官舍之數付朝集使每年奏聞國分二寺  
亦宜准此不得假事神異驚人耳目二十三日丙子  
遣巡察使於五畿六道訪民疾苦九月十五日戊辰  
敕曰麥者繼絕救乏穀之尤良宜天下諸國勸課百  
姓種大小麥九月以下  
三代格冬十月癸未朔日有食之二  
十日壬寅置隅寺毗沙門像所現舍利於法華寺詔

百官主典以上禮拜授太政大臣禪師道鏡法王位

按水鏡係神護景雲二年而法王作法皇誤

授大僧都圓興法臣位僧基

真法參議大律師又詔以右大臣藤原永手爲左大

臣大納言吉備真備爲右大臣二十一日癸卯敕嚮

有所恩發菩提心歸無上道因有靈示舍利三粒見

於絨器數月感嘆莫識所爲朕聞麟鳳五靈王者嘉

瑞至德之世史不絕書未見全身舍利如是顯形有

感必通良有以也朕以虛薄統懼歷年撫育亦方冰

谷在惕豈思至道疑寂應微情而示真圓性湛然結

靈光而表質孤園絕跡久矣驚心雙林晚容爛然滿



目玄珪綠字何以同年西法東流知在茲日猥荷希  
世之靈寶盍同衆庶之歡心宜文武百官六位已下  
加位一級十一月七日己未以陸奧磐城宮城二郡  
穀一萬六千四百餘斛賑給貧民十二月十二日癸  
巳幸西大寺二十八日己酉震大安寺東塔是歲淡  
路石見和泉河內志摩多禰島飢賑給之

神護景雲元年丁未春正月八日己未敕畿内七道  
修吉祥梅過於國分金光明寺七日以祈風雨順時  
五穀成熟十八日己巳詔賜諸王年老有功勞者二  
月四日甲申行幸東大寺七日丁亥幸大學釋奠八

日戊子幸山階寺三月庚戌朔日有食之二日辛亥  
幸元興寺三日壬子幸西大寺法院九日戊午幸大  
安寺十四日癸亥幸藥師寺十七日丙寅敕近衛將  
曹間人足人等十九人感會風雲奮激忠勇超群拔  
衆斬寇滅凶朕嘉其武節賞此高勲宜令美服光榮  
容儀標異夏四月十四日癸巳東院新殿成葺以瑠  
璃瓦畫以藻績時人謂之王宮二十四日癸卯敕曰  
夫農者天下之本也吏者民之父母也勸課農桑令  
有常制比來諸國頻年不登匪啻天道乖宜抑亦人  
事怠慢宜擇國司郡司恪勤者及民間良謹篤誠者



禱祀神祇勸課農業其所祈有應所勸有功則殊加  
褒賞二十六日乙巳幸飽浪宮二十八日丁未還宮  
五月四日壬子貸種子於畿內秋七月十日丁巳始  
置內豎省八月八日乙酉參河言慶雲見召六百僧  
於西宮寢殿設齋僧徒進退無後威儀拍手歡娛一  
如俗人十六日癸巳宣詔以景雲屢見改元神護景  
雲赦天下群臣進位賜物表旌孝子順孫義夫節婦  
賑恤高年鰥寡孤獨免天下今年田租之半九月戊  
申朔日下有雲五色二日己酉幸西大寺島院冬十  
月二十四日庚子御大極殿召六百僧轉讀大般若

經奏樂及蹋歌是月陸奧伊治城成是歲尾張山背  
志摩饑淡路旱饑和泉五穀不登賑給之美濃比年  
亢旱不稔免逋租

二年戊申春正月十日乙卯播磨獻白鹿二月二十  
八日癸卯筑前怡土城成三月乙巳朔日有食之十  
日甲寅免左右京五畿內天平神護二年逋租十四  
日戊午雨雹夏五月三日丙午敕曰入國問諱於禮  
有之頃見諸司入奏名籍或以國主國繼之名連朝  
臣而奏名或取真人朝臣立字以氏爲字是近冒姓  
又用佛菩薩及聖賢之號每經聞見不安于懷自今



以後宜勿更然里名勝毋曾子不入其如此之類有  
先著者宜即改換務從禮典二十三日丙寅以旱奉  
幣畿內群神六月二十一日癸巳武藏獻白雉敕曰  
朕以虛薄謬奉洪基君臨四方子育萬類善政未洽  
每統情於負重淳風或虧常駭念於馭奔方今武藏  
人飛鳥部吉志五百國獲白雉於久良郡以獻下群  
卿議之僉曰白雉者良臣一心忠貞之應白乃聖朝  
重光照臨之符國號武藏既呈戢武崇文之祥郡稱  
久良是明寶曆延長之表姓是吉志則標兆民子來  
之心名五百國固彰五百朝貢之驗朕對越嘉貺還

愧寡德昔者隆周刑措越裳乃致豐磻升平長門亦  
獻永言休徵固可施惠宜除武藏天平神護二年已  
徃逋租免久良郡今年田租三分之一國司郡司叙  
位一級五百國授位賜物秋七月十一日壬午日向  
獻白龜十九日庚寅太宰府言肥後八代郡正倉院  
北燬幕陳列廣可七丈向南而去辛丑晦敕崇孔子  
用文宣王謚八月壬寅朔日有食之八日己酉參河  
獻白鳥十九日庚申下總上言疏毛野川許之九月  
十一日辛巳詔曰頃者參河獻白鳥日向獻白龜赤  
眼青馬白鬣尾皆付所司令勘圖牒並合大瑞朕以



菲薄頻荷鴻貺思順先典式覃惠澤宜免肥後日向  
今年之庸出瑞郡特免調庸獲者授位賜物冬十月  
二十日庚申幸長谷寺二十二日壬戌還宮十一月  
二日壬申美作獻白鼠八日戊寅創春日四社於三  
笠山八日以下諸神記要記編年記按諸神記曰九  
日寅日寅時立官柱造御殿要記亦曰九日然  
今推甲子十一月辛未朔戊寅八日也若十月  
小盡則戊寅九日也疑當時以十月為小盡十二  
月四日甲辰法參議基真有罪竄于飛驒是歲壹岐  
島饑賑給之

三年己酉春正月庚午朔以雨廢朝二日辛未御大  
極殿受朝三日壬申法王道鏡居西宮前殿大臣已

下拜賀七日丙子天皇御法王宮宴五位已上八日  
丁丑御東內行吉祥梅過十七日丙戌御東院賜宴  
群臣二月三日壬寅幸左大臣藤原永手第十六日  
乙卯奉神服於大神宮及天下諸社二十四日癸亥  
幸右大臣吉備真備第三月二十八日丙申大赦天  
下夏四月二十四日辛酉幸西大寺五月十六日癸  
未伊勢獻白鳩二十五日壬辰不破內親王坐巫蠱  
放于京外流水上志計志麻呂於土左秋七月十五  
日庚辰奉幣畿內風伯八月丙申朔日有食之九日  
甲辰尾張大水賑殺貧民二十五日己丑從五位下



和氣清麻呂以竹道鏡流於大隅冬十月乙未朔宣  
詔賜群臣紫綾帶其兩端以金泥書怒字十五日己  
酉幸飽浪宮十七日辛亥進幸由義宮二十一日乙  
卯權建肆鄺於龍華寺車駕臨觀焉甲子晦詔以由  
義宮爲西京河內國爲河內職曲赦死罪以下十一  
月九日癸酉車駕還宮二十七日辛卯伊豫獻白鹿  
是歲下總志摩饑賑給之

四年庚戌春正月十五日戊寅設仁王會於宮中二  
十一日甲申太宰管内大風壞廬舍賑恤之二月二  
十七日庚申幸由義宮三月四日丁卯饗新羅使於

太宰府而還之二十八日辛卯觀歌垣夏四月五日  
丁酉詔造由義寺塔六日戊戌車駕還宮二十六日  
戊午先是藤原仲麻呂之亂天皇發願造三層小塔  
一百萬至是塔成分置諸寺五月十一日壬申敕曰  
去歲伊豫獻白鹿今年太宰府進白雀乾坤降社符  
瑞駢臻或瑞羽呈祥或珠毛表貺良由宗社積德餘  
慶所覃豈朕庸虛敢當茲應奉天休而倍惕荷靈貺  
以逾兢唯可與同德公卿佐治良吏弘政至道敬答  
上玄宜准前綸量施惠政但其貢獻瑞物勞逸不齊  
獸則難致鳥則易獲如此之類量定奏聞六月壬辰



朔敕大赦天下十日辛丑先是天皇至自由義宮不  
豫歷月於是敕左大臣藤原永手攝知近衛外衛左  
右兵衛事右大臣吉備真備知中衛左右衛士事二  
十三日甲寅祭疫神于京師四隅畿內十畝是夏對  
馬島饑志摩大風美濃霖雨京師飢疫賑贍之秋七  
月十五日乙亥敕曰朕荷負重任履薄臨深上不能  
先天奉時下不能養民如子常有慚德實無榮心撤  
膳菲躬日慎一日禁殺之令設國宥罪之典班朝而  
猶疫氣損生變異驚物永言疚懷不知所措唯有佛  
教脫苦除災故仰彼覺風拂斯稜霧宜京師大小寺

限一七日轉讀大般若經普告天下斷葷酒肉各國  
諸寺同讀此經内外文武官屬亦同此制十八日戊  
寅常陸獻白鳥筑前獻白雉是月土佐饑但馬疫出  
羽雨水賑恤之自六月至是月彗星入北斗八月庚  
寅朔日有食之遣參議外衛大將藤原繼繩於伊勢  
奉幣帛及馬於大神宮又遣使奉馬於若狹彥神八  
幡神宮二日辛卯遣使奉幣帛於越前氣比神能登  
氣多神遣雅樂頭伊刀玉於住吉受神教四日癸巳  
天皇崩于西宮寢殿年五十三愚管鈔神皇正統  
記爲五十七誤左  
大臣藤原永手等相議立大納言白壁王爲皇太子



葬于漆下郡佐貴鄉高野山陵是春巫覡等言西火  
寺東塔礎石作妖因積柴灌酒燒碎棄于道路適天  
皇不豫卜之曰石作祟乃移之淨地以厭禳焉其後  
天皇幸由義宮覺聖躬不豫即還平城宮經百餘日  
不親視事群臣不得謁見典藏吉備由利出入卧内  
傳可奏事天皇尤崇佛道務恤刑獄勝寶之際政稱  
儉約自仲麻呂誅道鏡擅權輕輿力役務繕伽藍公  
私彫喪國用不足政刑日峻殺戮妄加故後之言事  
者頗稱其寬焉

大日本史卷十九終

戊戌年十月廿九日

中村直道

大日本史卷二十

本紀第二十

權中納言從三位源光圀修  
男權中納言從三位綱條校

光仁天皇

光仁天皇類聚國史講白壁春日宮御宇天皇第六

子也神皇正統記為第三子誤○春日宮御宇天皇

喜式本書為田原天皇今據即位年追尊之文及延

書之母紀氏以和銅二年十月十三日乙未生焉

據本書實天平九年九月叙從四位下天平寶字三  
年六月叙從三位六年十二月任中納言八年九月



叙正三位天平神護元年正月授勳二等二年正月  
爲大納言天皇寬仁敦厚意豁然也天平勝寶已來  
國家無貳人疑彼此罪廢者多天皇深慮橫禍縱酒  
晦迹故數免害神護景雲四年八月四日癸巳彌德  
孝謙帝崩從四位上藤原百川與左大臣藤原永手  
右大臣吉備真備參議藤原宿奈麻呂藤原繩麻呂  
石上宅嗣近衛大將藤原藏下麻呂等定策禁中即  
日以遺詔奉天皇爲皇太子時年六十二本書不載  
公卿補六日乙未令天下舉哀服限一年差近江兵  
任水鏡二百騎守衛朝廷十七日丙午葬稱德孝謙帝皇太

子在宮留守僧道鏡奉梓宮留廬陵下二十二日庚  
戌下令貶道鏡爲造下野樂師寺別當二十三日辛  
亥流大納言弓削淨人其子廣方等於土左二十六  
日乙卯河內職使爲河內國九月三日壬戌令曰比  
年令外之官其員繁夥徒費國用無益公途省官簡  
務徃聖嘉典除要司外宜悉廢省六日乙丑召還流  
人和氣清麻呂二十二日辛巳天下大祓二十三日  
壬午停一年服期天下從吉十月己丑朔皇太子即  
天皇位于大極殿先是肥後連獻白龜宣詔改神護  
景雲四年爲寶龜元年大赦天下賑贍高年貧窮及



孝義者免天下今年田租藤原永手為左大臣吉備

真備為右大臣兼中衛大將如故永手為左大臣以下補任

寶龜元年庚戌冬十月八日丙申吉備真備罷中衛

大將十一月六日甲子追尊皇考曰御春日宮天皇

帝王編年記係明年正月誤皇兄弟姊妹諸皇子悉為親王立妃

井上內親王為皇后十日戊辰幸橿原二十七日乙

酉敕省先後逆黨是歲創粉川寺是歲以下水鏡一代要記

二年辛亥春正月十三日辛未停天下吉祥悔過二

十三日辛巳立皇子他戶親王為皇太子以大納言

大中臣清麻呂為傳大赦天下二月十三日庚子車

駕幸交野十四日辛丑進至難波宮二十一日戊申

車駕還至竹原井行宮節幡竿無故自折二十二日

己酉左大臣藤原永手薨三月戊午朔太宰府獻白

雉五日壬戌使天下諸國祭疾神十三日庚午以大

納言大中臣清麻呂為右大臣正三位藤原良繼為

內臣是月右大臣吉備真備致仕本書本年不書致仕六年十月真備

薨條書之而無閏月十八日乙巳壹岐島獻白雉夏

五月二十二日己酉右京人獻蠶成字二十七日甲

寅始設春日宮御宇天皇忌齋於川原寺著為國忌

國忌據三代實錄元慶八年六月十六日乙丑以旱奉馬於丹生



川上神秋九月二十二日乙巳罷左右平準署冬十  
一月十八日庚子遣使造齊宮於伊勢二十一日癸  
卯大嘗二十九日辛亥有星隕西南聲如雷十二月  
癸丑朔日有食之十五日丁卯追尊所生紀氏爲皇  
太后墓稱山陵置國忌是歲石見飢賑給之三年壬  
子春正月三日甲申渤海使來貢責其表無禮却之  
二月十七日戊辰幸右大臣大中臣清麻呂第二十  
四日乙亥以旱奉馬於丹生川上神丁卯今推干支  
丁卯十六  
日而本書叙乙亥丁卯疑罷內豎署及外衛府三月  
丑之誤丁丑二十六日也  
二日癸未皇后井上內親王坐巫蠱廢六日丁亥始

置十禪師十五日丙申始免出羽國司戶徭夏四月  
十八日戊辰赦天下二十九日己卯震西大寺西塔  
五月二十六日丙午西北空中有聲如雷二十七日  
丁未廢皇太子六月庚戌朔日有食之四日癸丑參  
河獻白鳥十五日甲子設仁王會於宮中及京師諸  
寺天下國分金光明寺十六日乙丑有虹繞日十九  
日戊辰隕石於京師數日大如柚子二十三日壬申  
以旱奉幣帛於畿內諸神秋七月二十二日辛丑上  
總獻馬前蹄似牛檢之詐所爲也罰國司从等奉主  
決秋八十八月六日甲寅幸難波內親王第是日大風



雨拔樹發屋卜之伊勢月讀神爲崇每年九月奉馬  
淮荒祭神十八日丙寅遣使淡路改葬廢帝是月霖  
雨大風河內堤決二十二九月三日庚辰山背獻木  
連理二十六日癸卯遣使六道覆損冬十月十日丁  
巳太宰府言去年五月豐後速見郡山崩澗墜民屋  
漂沒詔免調庸賑給之十一日戊午肥後葦北郡八  
代郡各獻白龜十四日辛酉罷墾田禁十一月十日  
丙戌詔以風雨不調頻年飢荒徼天下國分寺吉祥  
悔過十一日丁亥詔免京畿七道遭風者田租十三  
日巳丑以酒人內親王爲伊勢齊十二月十三日巳

未星隕如雨二十三日巳巳彗星南見召一百僧設  
齋揚梅宮二十五日辛未幸山背水雄岡二十九日  
乙亥狂馬嚙的門士牛偶人是歲讚岐疫尾張飢賑  
給之

四年癸丑春正月二日戊寅立皇子中務卿山部親  
王爲皇太子大赦天下本書正月二月干支錯次今  
推甲子訂之梅水鏡歷代皇  
記十四日立皇太子十四日庚  
寅也未知孰是今姑從本書  
御是月無辛未據赦詔正月  
故今詔曰朕以寡薄忝兼洪  
之懷災異屢臻彌軫臨淵之  
念今者初陽啓曆和風



勅物天地施仁動植仰澤思順時令式覃寬宥宜大  
赦天下二月十七日壬戌地動二十七日壬申楊梅  
宮成天皇從御焉乙亥晦地震三月十三日戊子以  
旱奉馬丹生川上神十四日己丑以天下穀貴廷議  
定常平法遣使七道糶穀賑民其賤糶私稻者授位  
夏四月十八日壬戌敕曰朕君臨四海子育兆民崇  
德忘食恤刑廢寢而德化未洽災異屢臻興言念此  
自顧多慙設法雖期無刑觀辜猶有垂泣宜因生長  
之時式弘寬宥之澤可大赦天下寶字元年八月逆  
黨遠近配流咸放還之但強竊二盜不在赦限二十

三日丁卯奉馬丹生川上神五月乙亥朔以旱奉幣  
畿內諸神二日丙子雨二十七日辛丑隕星南北各  
一大如瓮六月乙巳朔日有食之二日丙午霖雨十  
四日戊午渤海使至能登遣使責其無禮却之秋七  
月十日癸未祭疫神於天下諸國八月八日辛亥霖  
雨二十七日庚午先是下野上野正倉災至是敕諸  
國郡司燒官物者解其見任二十九日壬申地動九  
月十五日丁亥常陸獻白鳥冬十月癸卯朔地震四  
日丙午又震十二月二十五日乙未敕增益福田憑  
釋教之弘濟光隆國祚資大悲之神功是以比日依



樂師經請僧設齋至于放生理必所急加以陽氣始  
動仁風將扇順此時令恩施霈澤可大赦天下是日  
備前言木連理是歲以大納言藤原魚名兼近衛大  
將本書不書魚名爲大將九年三月魚名爲內臣餘  
將書近衛大將如故補任係是年而無月日今據之  
左右京志摩尾張饒近江飛驒出羽參河大風竝賑  
贍之伊賀疫給醫藥

五年甲寅春正月二十日庚申詔停蝦夷俘囚入朝  
二十五日乙丑山背言去年十二月乙訓社狼鹿野  
狐每夜聚鳴一百許七日而止二月三日壬申以禳  
疫讀經於天下諸國七日三月四日癸卯新羅使來

責其無禮却之十八日丁巳勅省員外國司夏四月  
十一日己卯勅以疾疫流行使文武百官天下百姓  
念誦摩訶般若波羅密二十二日庚寅以旱奉馬丹  
生川上神六月五日壬申以豺狼怪奉幣乙訓社是  
日又奉馬丹生川上神秋七月十日丁未上總獻白  
鳥二十三日庚申初陸奧鎮守將軍大伴駿河麻呂  
討蝦夷八月二日己巳勅坂東八國陸奧如有告急  
速發援兵務赴機要二十二日己丑行幸新滅宮九  
月六日壬寅修諸國溝池七日癸卯遣使天下覆損  
冬十月四日庚午遣使陸奧宣慰大伴駿河麻呂等



討平蝦夷十一月九日甲辰幸坂倉部內親王第十  
二月始設方廣悔過於宮中十二月以下年中行事  
公事根源後世佛名之  
儀始是歲京師及尾張讚岐大和參河能登美濃近  
于此江河內志摩伊豫飛驒若狹土左釧成賑給之  
六年乙卯春正月三日丁酉勅三春初啓萬物惟新  
天地行仁動植霑惠古之明主應此良辰必布恩德  
廣施慈令朕雖虛薄何不思齊宜大赦天下二月八  
日辛未地震十二日丙子遣使伊勢修渡會郡堰溝  
三月二十二日丙辰詔以去年蝦夷騷動田疇荒廢  
後陸奧今年課役田租二十五日己未置酒田村故

宮群臣上壽終日盡歡賜物有差夏四月七日己巳  
河內攝津有鼠食五穀草木遣使奉幣諸國神社十  
三日乙亥近江獻白龜十五日丁丑山背獻白雉二  
十七日己丑井上內親王他戶王並卒五月四日丙  
申地震十四日丙午白虹竟天六月十九日辛巳以  
正四位下佐伯今毛人為遣唐大使正五位上大伴  
益立從五位下藤原鷹取為副二十二日甲申遣使  
祭疫神於畿內諸國二十五日丁亥以旱奉馬丹生  
川上神奉幣畿內諸國神社能興雲雨者秋七月十  
六日丁未下野言都賀郡有黑鼠數百食草木根數



十里十九日庚戌雨雹八月十二日癸酉始設蓮葉  
宴十九日庚辰先是勅京官祿薄不免飢寒之苦國  
司利厚自有衣食之饒因茲庶僚咸望外任多士曾  
無廉耻朕君臨區寓志在平分思欲割諸國之公廩  
加在京之俸祿至是太政官奏每國割公廩四分之  
一以益在京俸祿奏可二十二日癸未伊勢尾張美  
濃言大風雨壞民廬舍人畜多死本書曰三國言九  
月日異常風雨云  
本紀畧無此三字疑有謬誤日遣使修理齊宮按檢遭  
灾百姓是日祭疫神於畿内辛卯晦以大風雨故大  
祓九月十六日丙午河内獻白龜二十一日辛亥以

霖雨奉白馬及幣於丹生川上神畿内諸神冬十月  
辛酉朔日有食之二日壬戌前右大臣吉備真備薨  
六日丙寅地震十三日癸酉天皇生日先是敕名此  
日爲天長節使諸寺僧尼每年是日轉經行道海内  
禁屠至是大酺賜物群臣有差出羽言蝦夷未平請  
置鎮兵救差發相模武藏上野下野兵士十九日巳  
卯召二百僧讀大般若經於宮中及朝堂二十四日  
甲申以風雨地震大祓二十五日乙酉奉幣帛於太  
神宮十一月六日丙申遣使五畿内修溝池七日丁  
酉太宰府言日向薩摩風雨損桑麻詔免今年調庸



是歲讚岐備前參河信濃丹後和泉饑賑恤之  
七年丙辰春正月十九日戊申遣檢稅使於七道二  
月六日甲子流星大如盆夏四月戊午朔日有食之  
十二日己巳敕祭祀神祇國之大典若不誠敬何以  
致福如聞諸社不修人畜損穢春秋之祀亦多怠慢  
因茲嘉祥弗降災異荐臻宜諭諸國莫令更然五月  
二日戊子出羽志波村蝦夷叛發下總下野常陸等  
騎兵討之二十九日乙卯以災異屢見大狽丙辰晦  
召僧六百讀大般若經六月四日庚申太白晝見十  
八日甲戌以旱大狽于京畿諸國奉馬丹生川上神

秋七月十九日甲辰震西大寺西塔八月丙辰朔遣  
使奉幣天下神社其社祝不勤洒掃以致蕪穢者罷  
之十三日戊辰大風是月天下蝗畿內遣使巡視諸  
國使國司行事閏月二十八日壬子丹後女子一產  
三男賜稻乳母壹岐島風損稼免今年調九月十三  
日丁卯配陸奧俘囚於筑紫二十日甲戌天皇御大  
藏省賜陪從五位已上物攝刀取之是月每夜有尾  
石落內豎曹司京師屋上經二十餘日乃止冬十月  
九日癸巳地震十一日乙未以陸奧頻經征戰百姓  
凋弊免今年田租十一月二日丙辰地震二十六日



庚辰發陸奧兵伐膽澤賊二十九日癸未配出羽倭  
囚於筑紫及讚岐十二月十四日丁酉罷遣唐副使  
大伴益立以左中辨小野石根備中守大神末足代  
之陸奧百姓戊與郡者給彼三年

八年丁巳春正月三日丙辰以内臣藤原良繼爲内  
大臣二月二十八日庚戌遣使畿内祭疫神壬子晦  
日有食之二月癸丑朔置酒于田村故宫十六日戊  
辰幸大納言藤原魚名曹司十九日辛未以宮中頻  
有妖大赦二十一日癸酉召六百僧於宮中讀大般若  
若經夏四月五日丙戌雨雹十三日甲午雨水震太

政官廳二十二日癸卯渤海使來貢賀登極先是遣

唐大使佐伯今毛人病不能行勅副使小野石根持

節行大使事五月七日丁巳御重閣門觀射騎按孝謙帝

以聖武帝忌月廢端午節至是又置故事廢置而此

後不書說見文武紀大寶元年但未知何故而延至

於五日節宴今據之十三日癸亥以霖奉馬丹生川

上神六月十八日戊戌楊梅宮南池生雙頭蓮秋八

月八日丙戌以霖奉馬丹生川上神十一日巳丑以

從三位藤原曹司爲夫人九月十五日癸亥以發軍

討賊復陸奧今年調庸田祖十八日丙寅内大臣藤

原良繼薨冬十月戊申晦大赦天下十一月十八日



丙寅長門獻白雉十二月二十五日壬寅皇太子疾遣使奉幣畿內諸社是冬不雨并涸今歲讚岐隱岐伯耆飢賑給之

九年戊午春正月戊申朔以皇太子疾廢朝二十日丁卯改葬井上內親王二月二十三日庚子以參議藤原百川兼中衛大將三月三日己酉以大納言藤原魚名爲內臣土左言去年七月大風雨壞廬舍人畜流亡詔賑給之二十日丙寅誦經東大西大法隆三寺二十四日庚午大赦天下度僧三十人二十七日癸酉大赦遣使奉幣伊勢神宮及天下神社以禱

皇太子疾是日祭疫神於畿內丙子晦以內臣藤原魚名改爲忠臣夏四月九日甲申攝津獻白鼠十九日甲午幸右大臣大中臣清麻呂第五月二十二日丁卯地震二十六日辛未又震六月二十六日庚子賜陸奥出羽國司已下有戰功者二百六十四人爵二十七日辛丑特詔遣參議藤原是公肥後守藤原是人奉幣帛於廣瀨龍田以祈風雨調和秋稼豐稔秋七月十日癸丑飛驒言慶雲見八月甲戌朔日有食之冬十月二十五日丁酉皇太子詣伊勢自拜神宮以疾瘳賽宿禱十二月十一日癸未太宰府



獻白鼠

十年己未春正月壬寅朔以忠臣藤原魚名爲內大臣五日丙午渤海使來貢三月十日辛亥遣唐副使大神末足等至自唐夏四月十九日己丑夜暴風雨折木發屋五月四日癸卯唐使孫興進等來朝十八日丁巳饗唐使於朝堂授位賜物二十八日丁卯唐使歸國六月二十三日辛酉周防男子自稱他戶皇子誑惑百姓流之伊豆秋七月戊辰朔日有食之九日丙子參議兼中衛大將藤原百川薨八月二日己亥因幡言暴雨山崩水溢人畜漂流百姓飢饉遣使

賑恤十九日丙辰赦天下九月四日庚午以中納言藤原繩麻呂兼中衛大將十四日庚辰安置渤海鐵利人三百五十九口於出羽冬十二月十三日己酉中納言兼中衛大將藤原繩麻呂薨二十五日辛酉以中務卿藤原田麻呂兼中衛權大將是歲駿河大水民饑賑給之

十一年庚申春正月丁卯朔以雨廢朝五日辛未新羅使來貢十四日庚辰大雷京師數寺災十九日乙酉詔曰令順四時聖人之茂典綱解三面哲后之深仁朕錫命上玄君臨下土政先儉約志在憂勤雖道



謝潛通切慚日用而適安遠至歲稔時雍今者三元  
初曆萬物惟新宜順陽和播茲凱澤其赦天下免今  
年田租二十日丙戌詔曰頃者彼蒼告譴災集伽藍  
眷言于茲情深悚悼於朕不德雖遇此尤於彼桑門  
寧亦無愧如聞緇侶行事與俗不別上違茲教下犯  
國憲僧綱率而正之其孰不正乎二月二日丁酉陸  
奧奏請造覺鑿城以備蝦夷許之三月十七日辛巳  
太政官奏分官設職不在繁多宜風導民務於簡要  
是以制令之日限置官員量才授能職務不滯今官  
衆事殷蠶食者多穀帛難生而用之不節一歲不登

使有菜色古者人稠田少而有儲蓄由節用也今者  
地闢戶減而患不足由糜費也臣等以爲當今之急  
省官息役上下同心唯農是務并省官員則倉廩實  
而禮義行國用足而廉耻興矣又奏濟世興化寔行  
元功討罪威邊亦資七德文武之道廢一不可方今  
諸國兵士頗多羸弱徒免身庸不歸天府國司軍穀  
自恣驅使未習騎射唯事芻蕘以此赴戰謂之棄矣  
臣等以爲除三關邊要之外隨國大小以爲額點殷  
富百姓才堪弓馬者專習武藝以應徵發其羸弱者  
皆就農業此設守備省不急之道也並許之二十三



日丁亥陸奧言上治部郡大領伊治呼皆麻呂反今梅陸奧國無  
未詳上治郡敕按察使紀廣純蝦夷大亂二十九日癸巳  
以中納言藤原繼繩為征東大使正五位上大伴益  
立從五位上紀古佐美為副使甲午晦以從五位下  
大伴真網為陸奧鎮守副將軍從五位上安倍家麻  
呂為出羽鎮狄將軍以討蝦夷癸亥四月十八日壬子  
左京女子一產三男賜稻乳母六月二十八日辛酉  
伊勢言鈴鹿關西內城大鼓自鳴秋七月十五日丁  
丑敕安不忘危古今通典宜使緣海諸國勤為警備  
二十二日甲申伊豫人越智靜養女以私物資養窮

民一百五十八人賜爵二級九月二十三日甲申以  
正四位下藤原小黑麻呂為持節征東大使冬十月  
三日癸巳左兵庫鼓自鳴十二月四日甲午敕左右  
京今聞造寺悉壞墳墓採用其石非唯侵驚鬼神實  
亦憂傷子孫自今以後宜加禁斷十四日甲辰又敕  
左右京無知百姓構聚巫覡妄崇淫祀芻狗符書百  
方作恠託事求福頗涉厭魅宜嚴禁之是歲駿河伊  
豆飢疫賑恤之

天應元年辛酉春正月辛酉朔詔曰以天為大則之  
者聖以民為心育之者仁朕以寡薄忝秉寶基無益



萬民空歷一紀然而惠澤壅而不流憂懼交而彌積  
日慎一日念茲在茲比有司奏伊勢齋宮所見美雲  
正合大瑞彼神宮者國家所鎮自天應之吉無不利  
其大赦天下改元曰天應天下老人賜粟鰥寡孤獨  
不能自存者量加賑恤孝子順孫義夫節婦旌表門  
閭終身勿事又爲皆麻呂等被誣誤百姓歸順者給  
徭三年諸國丁壯從役陸奧出羽者免今年田租三  
月六日乙丑地震二十五日甲申以不豫詔大赦天  
下二十六日乙酉美作言苔田郡兵庫鳴動如雷伊  
勢言鈴鹿關西中城門大鼓自鳴是春下總亂賊之

夏四月己丑朔左右兵庫器械自鳴遣使伊勢美濃  
越前固關三日辛卯禪位於皇太子十二月二十三  
日丁未天皇崩年七十三明年正月謚曰天宗高紹  
天皇葬廣岡山陵又謚光仁天皇延曆五年十月改  
葬田原陵延喜式曰田原東陵天皇龍潛之時與物扣光及正  
位南面臨馭億兆政舉大綱不在苛察官省無用化  
崇清簡是以寶龜之間四海晏如刑罰幾希遐邇欣  
戴可謂寬仁大度有君人之德矣



天保九年戊戌年冬十一月三日謹書寫之

中村萬喜直衛



